

BOPAKI BA HOLIM'A LEOATLE

 Pele re inamisa lihloho tsa rōna thapelong, ke lakalitse ho bala karoloana ea Lentsoe la Molimo. Ke rata ho bala Lentsoe la Hae ka mehla; hobane mantsoe a ka a tla hholeha, ke a motho, empa Lentsoe la Hae le ke ke la hholeha. 'Me lona ba salang thero morao, le lintho tse joalo, ha re baleng ho tsoa ho Mattheu khaolo ea 14, bosius bona, ho qala ka temana ea 22.

Eaba Jesu o phakisa a khanna barutuo a hae a re ba kene sekepeng, ba mo etelle pele mose oane, ha a sa khutlisa matšoele.

Eitse hobane a khutlise matšoele, a nyolohela thabeng ho ea rapela kathoko: a phirimeloa a sa le... teng, a 'notši.

Sekepana sona se ne se se se le har'a leoatle, se tsokotsoa ke maqhubu a metsi: hobane moea o ne o se hanela.

Eitse ka tebelo ea bone ea bosiu Jesu a tla ho bona, a tsamaea holim'a leoatle.

Barutuo a ba 'mona a tsamaea holim'a leoatle, ba tšoha, ba re, Ke sethotsela; 'me ba meketsa ke ho tšaba.

Empa Jesu a phakisa a bua le bona, a re, Betang lipelō; ke 'Na; se tšabeng.

² Joale ha re inamiseng lihloho tsa rona thapelong. E re lihloho tsa rona li sa iname le lipelō tsa rona pel'a Molimo, na hloko e teng ka moahong, bosius bona, u ka ratang ho e tsebisa Molimo, ka ho phahamisa matsoho a hao, le ho hopoloa thapelong? Morena a ke a utalime, ho re hauhela.

³ Ntat'a rōna oa Leholimo, re kena joale ka pel'a Sefahleho sa Hao, ka mokhoa le ka Lebitso la Morena Jesu. Ho tseba, ka kholiseho e bokoang, hobane U re tsepisitse, haeba re ka "kopa eng le eng" ka Lebitso la Hae, U tla re abela sona. Re lebohela sena haholo. Mantsoe a sitoa ho hhalosa maikutlo a rōna ka eona, ka kholiseho eo re e tšoereng, e reng le joale U a re utloa.

⁴ U bone matsoho ao, Morena. U tsebile seo a neng a se hloka. Uena u motsebatsohle, eamatlaohle, Molimo mohlokaphelsetso, 'me re U tseba u tseba lipelō tsa batho. U tsebile mehopolo ea rōna. Le pele re boptjoa, U tsebile mohopolo o tlango re fihlela, hoba Uena u mohlokaphelsetso.

⁵ 'Me rea rapela, Morena, horeng ena, litakatso tsa rōna li phehella Uena, nyarela u le Maholimong, Morena, 'me u kenyelio tsa rōna pelōng ea Hao ka Sebele, Morena, le ho arabela

ho latela menono ea ea Hao Khanyeng. Re fe takatso ea pelō ea rōna, re ntse re tsepile hobane ke thato ea Hao e Mokhethoa. 'Me rea tseba boithatèlo ba Hao ke ho etsa thato ea Hao.

⁶ Re tšollele phororo e kholo ea Sefahleho sa Hao, bosiung bona, hape Morena. Folisa bakuli. Pholosa ba timetseng, tsosa ba shoeleng sebeng le litlolong, 'me ba tataisetsoe Bophelong bo bocha, bosiung bona. Re ke re bone Jesu. Re e kopa ka Lebitso la Hae. Amen.

⁷ Le ka lula fatše. Re masoabi ha re sitoa ho amohela batho, ka lebaka la boholo ba malulo. Empa, ho qala bosiung ba pele, ba boletse ba tlamehile ho khutlisa matšoele a maholo a batho, re masoabi ka hoo. 'Me Moena Grant ha a khona ho haha phaposi e 'ngoe, hape, ho... Ke kholoa lerako lena a tla le hulela letsohong le letshali. Moena ea khabane, ea khabane o mpotsitse haeba nka e etsa temalo ea selemo ka seng, ho khutlala Dallas, kerekeng ea hae. Memo ea tonana hakaalo, horeng ena, athe menyako e koaloa ka potlako hakana, ebe monna o mpatlal ke khutlile ke e etse temalo ea selemo ka seng, taba. Ke ananela hoo.

⁸ Ke bile le nako ea bolekane le bona hoseng hona, le Moena Gordon Lindsay le bongata ba bona. Moena Pearry Green, e leng motšehetsi oa kopano e tla latela tlase Beaumont, ea lutseng mona hantle ka mora ka bosiung bona. Le ba bangata, metsoalle ea rōna, Moena Don le mohats'a'e. Re thabetsé haholo ho ba le bona mona. Morena a ba hlohonolofatse.

⁹ Joale, bosiung bona, feela... Esale ke leka ho nolofatsa Melaetsa ea ka kamoo e ka khonang, hore le ngoana a tle a e utloisise.

¹⁰ Tšebeletso ea boevangeli e hosane thapama, 'me e ka bohle le ka tsoa la tla.

¹¹ Joale ha u ena le litšebeletso kerekeng ea hao, khele, u—u sale moo u—moo u hlomiloeng teng. Ha re batle mang ha a siea kereke ea bona, ho... 'Me haeba u kula 'me u batla ho tla rapelloa, 'me kereke ea hao e ena le litšebeletso hosane thapama, buisana le molebeli oa hao ka eona, a tle a se nahane hampe, u a tseba. A tsebe hobane mona re tlie ka tšebeletsano, ho—ho thusa 'Mele ohle oa Jesu Kreste o jakileng mona Dallas le ka mathoko.

¹² Ka hona, hosane thapama, kea kholoa, ka mashome a mararo ka morao ho peli, ke lokela ho rera Molaetsa oa evangeli. 'Me re tla rapella batho bohle ba kulang, ho thoanaka litlankana tsohle tsa thapelo e leng masalla a tsamao ea veke, le ho ba rapella bohle hosane.

¹³ Joale temana ea ka bosiung bona e batla e iphile tšobotsi ea terama, nakoana e seng kae. 'Me ke tla leka ho kenya bongata boo nka bo khonang bosiung bona, holim'a ho rapella bakuli. Sehloho sa ka ke, "se tšabeng, ke 'Na," ke Jesu ea buang. Temana ea ka ke: *Bopaki Ba Holim'a Leoatle*.

¹⁴ E tlamehile ebe e bile thapama ea motšeare o moholo, letsatsi le se lea likela ha sena se hlaha, e tlamehile ebe ebile letsatsi le chesang joaleka ka kahare ka mona.

¹⁵ Sefehla moea se timme, 'me ba sebetsana le sona. Ke lona lebaka ke fetotseng temana ea ka ho tloha mono, eo ke neng ke tla e bua, ke tle ke potlake ka eona, le tle le se lokele ho lula mochesong o kang oona.

¹⁶ Motšoasihali enoa oa lihlapi, hoba a bone seo a se boneng letšeareng, esale a shebeletse Jesu tšebeletsong ea Hae e kholo.

¹⁷ Nka be ke ratile ho phela letsatsing leo, ho Mo sala morao. Empa, u a tseba, le joale ke thabetse ho fuoa monyetla oo, ho Mo shebella a etsa lintho. 'Me ho Mo shebella kajeno ho fetisa mohlang oo. Hona joale ke na le tumelo e ngata ho Eèna, 'me tumelo eo nka e ruang joale e fetisa eo ke beng nka e rua mohlang oo, hoba re neiloe lilemo tse likete tse peli ho paka hobane Evangeli e lokile. 'Me ka mora lilemo tse likete tse peli, O sa phela, ho sebetsa se ka A entse mohlang oo, ka hona re ruile kholiseho e fetisisang le motheo o tiileng oa tumelo ho feta bao mohlang oo.

¹⁸ Hobane, E ne e le Monna ea likolohang a itlaleha hore—hore O romiloe ke Molimo le hobane e ne e le Mora Molimo, le hobane Molimo o no o netefatsa Lentsoe la Oona la pallo ea letsatsi leo, ka Eèna, 'me ba bile le lebaka la ho e belaela. Baithuti ba thutamolimo, e ne e le bona! 'Me lea lemoha e ne e haula, e hlile e hahula, hobane baithuti bao ba thutamolimo ba ka be ba lumetse Hoo hola Molimo o sa ba foufatsa mahlo. Bibebe e itsalo.

¹⁹ 'Me na le tsebile A tsepisitse ho boela A ba foufatsa mahlo kajeno, ba tle ba se E bone? E tla ba "bakaki, bahlalefi, ba ratang menate ea nama ho feta ho rata Molimo, ba se nang ho tsepheha, ba etselletsang ba bang, ba sa tsebeng ho itšoara, ba hloeang ba molemo; ba nang le sebopheho sa borapeli, ba mpa ba tla latola Matla a jona." Tsepiso e boela e khutlela morao hantle. 'Me u ka batla u sa etse letho haese ho utloela batho bohloko, le ka mahlo a bona a foufaletseng letsatsi lena. Ka Mangolo ao Molimo o a tsepisitseng a tla hlaha letsatsing lena, horeng ena, 'me re e shebile ka nepo re e lebeletse. 'Me batho ba sheba, ba tsokotsa lihloho tsa bona ba tlohe, ho thoe, "Ha ke E bone." Ke ntho e haulang, empa koana Mangolo a tlameha ho phethisoa. E tšoanetse joalo.

²⁰ Ha ho le joalo barutuoa bana ba kile ba khethoa ke Molimo. Na le lemohile, Jesu o ba boleletse, "Le pele ho theoa lefatše," O ba khethile, 'me e ne e le peo ea Molimo e baliloeng. Mohla mathata a hlahaletseng letsatsi lena, horeng ena, 'me re e shebile ka nepo re e lebeletse. 'Me batho ba sheba, ba tsokotsa lihloho tsa bona ba tlohe, ho thoe, "Ha ke E bone." Ke ntho e haulang, empa koana Mangolo a tlameha ho phethisoa. E tšoanetse joalo.

haese Eèna. "Ke Uena feela u nang le Lentsoe la Bophelo." 'Me keha ba ikemiselitse ho tiisetsa ho Lona, hobane ba kile ba balloa phaposi eo.

²¹ Le kajeno ho a tšoana, banna le basali, ba baletsoeng Bophelo Bosafeleng, ba tla tla Bophelong Bosafeleng. "Bohle bao Ntate a 'Neileng bona ba tla tla ho 'Na." Leo ke Lentsoe la Hae, 'me le ke ke la hloleha. Ke—ke Lentsoe la Molimo.

²² 'Me re bona barutuo a bana joale, ba bile le tšebeletso e kholo letsatsing leo, ka ntle koana tšimong e kholo mosikong oa thaba. 'Me Jesu a ba laetse, "Joale nketeng pele le tšelete, le Nketelle pele." 'Me A tla nyolohela thabeng, a inotsi, ho rapela. 'Me barutuo a bana, hoba ba kopane le metsoalle, ekare ke bona kamoo ba ikutloileng.

²³ Hobane, ho kopana le metsoalle, le ho tlameha ho arohana le metsoalle; ka nako ha le se le batla le tloaelana, u tlameha ho ba salisa hantle. 'Me esale e nkopisa pelō, naha bophara, lefatše ho pota, ebile ho kopana le metsoalle le ho e siea, ho tseba u sa tlo hlola u bona ba bang hofihlela le kopana Kahlolong. Ke taba e batlang e le bohloko.

²⁴ Ekare kea bona sekepana, ka—ka sefuba se suntsoeng lebopong. 'Me ekaba Simone Petrose, ka liphaka tse litšika le mahetla, ea sutulitseng sekepana a se sunya har'a leoatle. 'Me bohle ba hoehla ba salisa ba lebopong hantle. 'Me ba hoeletsa, "Le khutle hape le tlise e Moholo ho tla re bona! Le tl'o tšoara tsoselotso e 'ngoe; re sitsitsoe haholo kajeno!" 'Me metsoalle e mecha e ntse e hoehla. Eaba o tšethema barutuo a ba bang bohle, a lula mohlomong haufi le moena'e, Andrease, a tšoara masokoana.

²⁵ E—e likepe mehleng eo li fohloa ke moea kapa masokoana ao ba a sokang. 'Me mohlomong ba lule ba le babeli ka sekepeng, ba babeli lephakong, ebe ba...kapa ba le babeli setulong se le seng, ke rialo, 'me mahokelasokoana a tšeletse kapa a le robeli. Ba soke 'moho, 'me ka mokhoa oo ba tsitsise sekepe mohla lifefo li pukang. E re, ha meea e foka ka tloaelo, ba ka nyolla seile, ba phaphamale.

²⁶ E tšoanetse ebe ebile thapama e chesang, ka chebeho ea Lengolo pejana ho ketsahalo ena, 'me e le thapama e khutsitseng khutso, e letsatsi, e chesang. Letsatsi le se le ea likela. 'Me bona, ba sa soka, ba ntano lokolla ba hoehla batho ho ba salisa hantle, "Re tšepile ho le bona kapele ka mohla o mong," nakong eo ba tsoang ba kena leoatleng. E ntso ba letsatsi le likelang, le shoalane, ka mora nakoana e—e lefifi le tšoare.

²⁷ Eaba ba eketsa lebelo la—la ho soka, 'me ke mosebetsi o thata ha masokoana a maholohali ao a likela ka har'a leoatle. 'Me boholo ba bona e le—le batšoasi ba lihlapi, e le banna ba baholo ba linatla, ba tloetse leoatle. 'Me ba ntse ba emetse

Jesu ho kena sekepaneng ho ba sala morao, kapele. Khele, ba fihla ka ntle koo, 'me ba ka ba sesisa nakoana; ke ho thakhola sekepe sa hao, u ntano se tlohela.

²⁸ Ekaba Johanne e mocha ea qalileng a bua, kaha a le monyenyan seholpheng. 'Me ekaba eèna ea itseng, "Ke batla ke khathala. Ha re khefutseng nakoana. Re eme motsotso, ha rea tlameha ho potlaka. Ha A eso latele, re ka ema nakoana ra ka ra hahloa ke moea o mocha."

²⁹ 'Me a sa lutse mono eka o inamisitse hloho ea hae, koana a qala tšebeletso ea bopaki. E leng seo ke batlang ho bua ka sona. Ekaba eèna ea emeng pele, a re, "Baena, ho sa natse seo batho ba se buang, le kamoo mang a sa batleng ho lumela, ke hlile ke khotsoe joale, ka mora kajeno, hore ha rea sala moipeci morao. Ha rea sala letho le ka tlasana ho Molimo morao, hoba ho se motho ea ka etsang tseo A li entseng kajeno haese Molimo. U a tseba, eitseha A nka libasekeiti tseo a li ngoatha, 'me a fepa likete tse hlano tseo mono, ke hona ho ntlhollang ho feta. Potso e ne e ka ba teng ho fihlela kajeno," joale ke mpa ke phetha bopaki ba hae, "empa hoo ho e batalalitse."

³⁰ Ha thoe, "Ke sa hopola lilemo tse fetileng. Mohla ke ahileng haufi le Jordane. 'Me ke sa hopola, ke sa le moshanyana, kamoo 'mè oa ka e motle, oa Mojuda a na a nkuka, e le thapama, a ntulisa holim'a hae a nkoietsa, ka ntle mathuleng, nakong eo liphopi li thuntse mabopong a Jordane. Ebe o sheba 'nq'a lehoatata, moo batho ba heso ba tsamaisitsoeng har'a lehoatata lena. A mphetelie lipale tsa Bibele. E 'ngoe ea lipale tse kholo tseo ke li hopolang, e le mosali oa Shuneme mohla mora oa hae a shoeleng, 'me—'me eaba moporofeta o tsosa moshanyana enoa bafung. Esale e le pale e sisimosang.

³¹ "Empa e 'ngoe ea lipale tse sisimosang, 'mè a tloaetse ho mphethela, o na a re, 'Joale, Johanne, u moshanyana feela; empa ke u batla u hopotse, mohla u holang, ho re, Jehova e moholo o ntšitse sechaba sa heso Egepete, 'me re parotse lefeelleng leo mose oane oa noka. 'Me ka lilemo tsohle tse mashome a mane, ba tsamaile lefeelleng leo, ba sa fumane liaparo, ba sa fumane tulo ho ja. 'Me Molimo oa nesa bohobe leholimong, bosiuung ka bong, oa fepa batho lefeelleng leo, hoba ba ne ba kene leetong la kutlo, ba latetse Jehova e moholo. 'Me joale, tsatsi le leng, Jehova o tla etsoa nama mona lefatšeng, ka sebopeho sa Monna, O tla bitsoa Motlotsuo, Messia.'

³² "'Me ke sa hopola," a rialo, "ha ke sa le moshanyana, kelello ea ka ea moshanyana e ne e nahana, e leka ho lekanya, 'Ebe Molimo o khonne joang ho ba fepa bohle, batho ba limilione tse peli le halofo, lefeelleng leo? Bohobe boo bohle O bo fumane joang?" 'Me ke ntano botsa mama, 'Mama, ebe Eèna, ana—ana Jehova o hahile maupahali a matonana a maholo sepakapakeng,

'me O ne a apeha bohobe bohole, le ho theoloa bosiu bo beoe e—e holim'a mobu, ho thonakoa ke batho, ebe na lipakapaka tse kholo tsa Jehova li tletse maupa?" Ebe o re, 'Che, mora, u sa le monyenyane ho utloisia. Ua bona, Jehova ke 'Mopi. Ha A hloke maupa. O bua polelo feela, 'me ha A bua Lentsoe la Hae le a bonahatsoa. Ke Jehova e moholo, 'me U e buile feela. 'Me Mangeloi aa aba holim'a mobu, ho thonakoa ke batho.'

³³ "Me kajeno, eareha ke 'Mona a eme mono, na le eleletsoe chebeho eo sefahlehong sa Hae? Pelaelo e le sieo mohopolong oa Hae. Ke ile ka hloella ka mora lefika, ka Mo shebella ha A nka bohobe boo a bo ngoatha, a bo neeletsa bao... Bareri ba Hae, rōna, ho bo abela batho. 'Me ereha A boela a khutla ho bo ngoatha, senkhoa seo keha se boetse se tletse. 'Me O e entse makhetlo a makholo, ho fihlela mang le mang a khotše, ha ba ha sala liroto, tse tletseng, tse thonakiloeng. Ke tsebile e se letho le ka tlasana ho Jehova, kaha A etsisitse Jehova mohlang oo. Ke Jehova a inotši ea ka bopang. 'Me kea tseba Monna eo ha se moipehi. 'Mopi o mong feela, 'me eēna ke Jehova. 'Me joale, har'a tsohle tseo ke li boneng, eo e nkholisitse.

³⁴ "Ke batla le tsebe hobane pelō ea ka e ineetse ka botlalo, 'me ke Mo lumela ka botlalo e se moporofeta ea pala feela. Ke moporofeta, empa Ke ea fetisang le moporofeta. Ha A katlasana ho Jehova Molimo o ahileng har'a rōna, hoba O bopile bohobe, 'me litloaelo tsa Jehova li ne li ahile ho Eēna. Ha re makale A itse, 'Ha Ke sa etse mesebetsi ea Ntate oa Ka, le se ke la lumela ho 'Na; empa ekare ha Ke etsa mesebetsi ea Ntate oa Ka, 'me le sa lumele ho 'Na, le mpe le lumele ka baka la mesebetsi, hoba ke eona e Mpakang hobane Ke Mang.' Ea ka batho ba tla bona hoo, habonolo."

³⁵ 'Me eaba Johanne o khotsoe hoba E ne e le Messia, Eēna eo Esaia a 'moletseng, "Re tsoaletsoe Mora, 'me O tla Bitsoa Moeletsi, Khosana ea Khotso, Molimo o Matla, RaBosafeleng." 'Me keha Johanne a khotsoe ka baka la seo a se boneng. Thakanyana lena le ntse le fana ka bopaki ba lona.

³⁶ Nakong eona eo, Simone Petrose a re, "Be, joale, bea butle motsotsso. Haeba re tlil'o tśoara tšebeletso ea bopaki, ke rata ho bua ho hong. U a tseba, esale ke belaella ntho eohle, mohla Adrease moena' ka, ea kileng a etela tsoseletso ea moporofeta Johanne, eēna ea pakileng ka Messia ea tlang a bile a tla Mo tsebisa. 'Me ke batla ke belaella seo Andreease a mpolellang sona, kaha ke utloile lipale tsa mefuta eohle tsa Messia le ntho ka 'nngoe.

³⁷ "Empa lona baenabeso le sa hopola ntate leqheku la heso. Lebitso la hae e ne e le Jonase. Le sa mo hopola, molumeli eo oa mocheseheli. Koana ke hopola 'mè le ntate, le rōna bohole, re ne re tśoasa lihlapi ho iphelisa, 'me ereha re sa tśoasa hlapi; re hloka bohobe, ebe re khumama fatše re rapela Molimo, 'Re

tšoasise lethonyana kajeno, Molimo, re khone ho rekisa hlapi ea rōna, re lefe melato ea rōna, re fumane lijo ho ja.' Ebe moo re tsoelang leoatleng, har'a sefefo, re le sebete ho—ho tobana le lifefo tseo.

³⁸ “'Me ntate, ke bona moriri oa hae o moputsoa o leketlike mokokotlong oa hae, a lutse tsatsi le leng motšetšethong oa sekepana a qoqa le'na, ho re, 'Simone, ke uena letsibolo la ka. U a tseba, esale ke lumetse, Simone, ke tla bona Messia. Esale sechaba sa heso se Mo lebeletse ho tloha Edene. 'Me re tiile O a tla, ho sa natse bolelele ba nako. Ho se ho fetile lilemo tse likete tse 'ne, ua ka rialo. Empa kea lumela Messia o tla fihla. 'Me esale Mojuda ka mong a lumetse a tla bona Messia molokong oa hae. Ke tsepile ho 'Mona molokong oa ka. Empa ka chebeho, kea tsofala joale, ke tlameha ho khaotsa ka leoatle, ke toteloa ke mahlaba le ho opa, koana nka sitoa ho 'Mona nakong ea me. Empa mohlomong uena u tla khona, mora oa ka.

³⁹ ““Me ke batla ho u koetlisetsa Mangolong. Mora, pejana Messia a hlaha temeng, ho tla hlaha likeng-keng tsa mefuta, lilo tsa bohata tsa mefuta eohle, hoba Satane o tla etsa joalo, ho senya khahlamelo ea Messia oa sebele mohla A fihlang.”” Esale ho lutse joalo; ho sa lutse joalo.

⁴⁰ 'Me re ntano fumana, a re, "Ke sa hopola a nkharela ka sephaka sa hae, ho re, 'Mora, mokhoa oa ho qoholla Messia eo o tla ba mong to. Joale re qetile makholo a lilemo re hloka moporofeta. Moporofeta oa rōna oa matheto e ne e le Malakia. Ho se ho fetile lilemo tse makholo a mane, re hlokile moporofeta. Empa hopola, Moshe o re boleletse, Mangolong, hoo, Messia mohla a tlang, E tla ba moporofeta, mohla A hatang sebaeng. Rōna Bajuda re rutiloe ho lumela moporofeta. 'Me leeto la Messia lefatšeng ke Lentsoe la Molimo le builoeng, leo A re tš episitseng lona. 'Me kamehla Lentsoe le tlela moporofeta, 'me moporofeta o netefatsa Lentsoe leo. U se lebale hoo le ka mohla, mora! Ho ka hlaha lintho tse kholo, ho ka ropoha lithōōthēlo tsa litonana le—le lintho tsa litonana. Empa hopola, Messia e tla ba moporofeta, kaha re tseba Molimo o sa fetole tsela ea Oona, 'me O tlalehile Messia e tla ba moporofeta. Hopola ke hona, mora, baporofeta ke bao ba tšoereng Lentsoe la Morena. 'Me Messia mohla a fihlang, E tla be e le moporofeta.'

⁴¹ “Ekare ke utloa sephaka sa hae,” Simone a rialo, “ka nako ha a nkopela. 'Me Andreatse a lutse mono a ntse a hlatsoa letlooga, nakong eo. U sa e hopola, Andreatse?”

“E, Simone, ke—ke sa e hopola.”

⁴² ““Me Andreatse a leka ho mpolella hobane Johanne enoa e ne e le moporofeta. Ke le maphathe, ke tlameha ho rekisa hlapi le lintho. Ntate a se a timetse khale lilemo tse ngata,

empa esale ke e hopotse; ntate o itse, ‘Messia enoa e tla ba moporofeta ea supiloeng ke Mangolo, ’me u se e lebale, hobane ke Lentsoe la Molimo le builoeng. ’Me esale Lentsoe leo le pheeletse ho tlela baporofeta ka mehla; hoo ho e supile, kapa la bonahatsa pallo e balletsoeng mongoaha oo.’”

⁴³ ‘Me joale Simone, “Tsatsi le leng,” ha thoe, a re, “u a tseba, Andrease a nkopa ho etela kopano. ’Me eaba ke theoha ke etela kopano moo Thaka lena, Jesu, a na a le teng. ’Me ke utloile bobarè ba mefuta. Ho kile ha hlaha Jesu, pejana ho Eèna, eèna a tsepisitse ho ba ntho ea tonana, a etella makholo a mane eaba bohole ba timela, le lintho tse joalo. Ka hopola e le selo se seng sa sa mokhalo oo, se besitseng thööthëlo ea tonana ea tsoselitso ea mofuta, kapa bolumelihali bo itseng boo ba tlang ho bo bopa. Empa tsatsi le leng ka hopola ho tsamaea le Andrease mona, moena oa ka.”

⁴⁴ ‘Me kea kholoa, ka eona nako eo, sekepana sa qala sa tsukutleha. Motha a qala a hooeletsa, ’me a re, “Lula fatše! U se kotjomise sekepe. Be butle motsotsotso. Lula u thotse.”

⁴⁵ ‘Me a re, “U a tseba, eitseha ke theohela mono ke fihla ka pel’ a sefahleho sa Hae, khetlo la pele, A ncheba leihlong hantle a mpolella lebitso la ka. A eso mpone pele. A sa ntsebe feela, empa A bile a tseba leqheku leo la ntate oa ka la morapeli, lona le nkoetlisitseng Mangolong. ’Me ka tseba hoba Eo e ne e le Messia. Ea e batalatsa ho ’na, hantle mono. E ne e le eona. Ea e lokisa, ho ’na.”

⁴⁶ E ka ke Filipi ea itseng, “Na nka hlahisa lentsoe mona?” Joale a re, “Moena Nathanaele, se hlabe hisoe ke sena hle; hobane, u a tseba esale re balile mangolo lilemo ka lilemo, ka seo Messia a tlang ho ba sona. Empa eitseha ke ’Mona a etsa hoo, ka tloseletsa ho ea lata motsoalle oa ka mona, Nathanaele. ’Me eitseha a fihla koo . . .”

Nathanaele a re, “E re ’na ke e phete. E re ’na ke e phete.”

⁴⁷ Oh, u a tseba, ntho e teng ha Jesu a u etselitse ho hong, u—u batla u sa khone ho ikhutsetsa, u tlameha ho e bolela, ka bouena. Ha ho joalo na? Haeba e le ntho ea makhonthe, u tlameha feela ho e bua. Mohla A ne a ntlatsa ka Moea o Halalelang, ke batla ho e pheta. Ke batla motho e mong a tsebe ka eona. E seng e boleloe ke motho e mong; ke batla ho e pheta, ka bona.

⁴⁸ Me kea kholoa, Nathanaele a hla a thööthëloa a re, “U a tseba, ke rata ho bua sena. Esale ke batla ke u belaela, Filipi, mohla u mpolellang. Ka u botsa, ‘Na ntho e molemo e ka tsoa Nazaretha?’ Eaba u nkarabela ka karabo e khabane eo motho a kileng a e fuoa, ‘Tloo u bone.’” Hoo ho sebetsa hantle kajeno. Ke hantle. Se lule hae oa nyatsa. Tloo, u iphamanele, ua bona. “Ho re, ‘Na ntho e molemo e ka tsoa Nazaretha?’ Ho re, ‘Tloo u iponele.’ ’Me u tseba seo u neng u mpoleletse sona.

⁴⁹ “’Me eitseha ke kena ka pel’ a Sefahleho sa Hae, ’me A mpolela ke ne ke le ‘e—e Moheberu, Moiseraele, ’me ke le monna ea se nang mano,’ ka tseba ke hona.

⁵⁰ “Empa ka ipotsa, ‘Ho ka ba joalo joang?’ Eka monna ea pala. Koana ke lebeletse Messia ho theoha le mehohomeng ea Leholimo, ho theohela hantle ntlokhlong ea bolumeli mona, Jerusalema, ho tsoa le ho re, ‘Kaiafa, Ke se ke fihlile.’ Empa ba fumane, A tsoa Nazaretha, lelapeng la bafohatse; ’me A bile a qhoaetsoe lebitso le letšo ka mora Hae, e le ‘le-tla-le-pepiloe.’ Ke enoa O eme, a apere liaparo tse pala, e seng se ka moprista kapa mang; monna ea pala feela. ’Me ka nahana, mohla ke nyolohelang mono, ‘Hoo e ka ba Messia joang? A apere kojoana e le ‘ngoe ea khale, A e apere ho tloha E sa le mohlankana, ’me a sa ntse a apere kojoana ena; ’me moriri oa Hae o lepeletse sekotlong sa Hae. ’Me eka monna ea pala oa seterata..’

⁵¹ “’Me A ncheba sefahlehong, le ho re, ‘Le pele Filipi a u bitsa, u sa le tlas’ a sefate, Ke u bone.’ Ea e batalatsa ho ‘na. Ka tseba, ka Lentsoe, hoba e ne e le Messia. E ne e le Eèna.”

⁵² ’Me koana sekepana sa tsukutleha, ’me tšebeletso ea bopaki e tsöeletse. Oh, keha ba kene monyakeng o mokakang, ka ntle holim’ a leoatle koo, ba itahile nakong ea tonana.

⁵³ Andreatse a re, “Ke batla ho bua se batlileng se ’makatsa nakoana. U sa hopola mohla re—re theohang re ea Jeriko? O itse, ‘Re lokela ho nyoloha; Ke tlameha ho pota ka la Samaria.’ Ka hona, A nyolohela Samaria ’me mono ke motseng oa Sikare, mohla A re romang ho ea reka lijo motseng.”

⁵⁴ “Oh, e, kea sa e hopola, hantle!” Bao bohole, “E, e!” Sekepana se hlile se tsokotseha, mang le mang a kene monyakeng o babatsehang oa bopaki hoba tsöeletso e fete. Eaba ba tsoere tšebeletso ena ea bopaki.

⁵⁵ ’Me a re, “E, ’me na le sa hopola re nyoloha re nanya, ’me, makalong ea rōna, ra bona Mong’ a rōna a qoqa le seotsoa se tsoailoeng. ‘Uh-huh,’ ra nahana, ‘hoo ho hobe. Mo shebeng koo o qoqa le mosetsana enoa. Athe u re romme koana, ’me Ke enoa ka ntle mona le mosali ea makhobotlo enoa ea lutseng mona.’ Le sa hopola, keha re eme ka mora lihlahlha, ’me re utloleletse moqoqo oa bona.

⁵⁶ “’Me eaba re Mo utloa a re ho eèna, ‘Mosali, ea lata monna oa hao le tle koano.’

⁵⁷ “’Me ra re, ‘Be, e ka ba re fositse, e ka ’na ea ba mosali eo o nyetsoe semolao.’

⁵⁸ “’Me a boela a Mo sheba sefahlehong, le ho re, ‘Monghali, ha ke na monna oa letho.’

⁵⁹ “Le sa hopola kamoo lipelō tsa rōna li qhibilihileng kateng? ‘Messia oa rōna e moholo eo re mo khotsoeng, ke enoa o qhautsoa ka leshano, tholoana e fapohileng mocha, kahobane

A itse, “ea lata monna oa hao,” ’me o arabetse a itlaleha a se na monna. Joale e Mo hloenyelitse.’ Le sa hopola hlollo ea rōna, re bile re feletsoe ke phefumoloh?”

“E, kea hopola.”

⁶⁰ “Me na le sa hopola mantsoe a latelang? O itse, ‘U boletse ’nete, hobane u bile le ba bahlano, le eo u lulang le eèna joale ha se oa hao.’ Oh, le sa hopola tšebeletso ea bopaki ka mora sehlahla? Khele!” Ua bona, u ke ke oa Mo tsoaketsa chebeleng. Ke Molimo. “Oh,” Simone a rialo, “hoo feelsa ha . . .” Andrease a re, “Ea hla ea e batalatsa ho ’na.”

⁶¹ Bartholome a re, “Beang butle, ke rata ho rothetsa bopaki. Na nka khona, baena?”

⁶² “Oh, be, ke kholoa joalo, nako ea rōna e ngata. Ha A eso fihle, re tla soka ha ’maloa hape. Qhoba, Bartholome, u ka paka.”

⁶³ “Be, e ’nngoe ea lintho tsa litonana ho ’na. Le sa hopola khaitseli ea rōna tlase Jeriko, ea bitsoang Rebeka?”

“E.”

“Me monna oa hae o tsamaisa reshurente tlase mono.”

“Uh-huh.”

⁶⁴ “Me—’me e ne e le rakhoebo, ’me lebitso la hae e le Sakea.”

“E, e, ke mo hopola hantle.”

⁶⁵ “Le sa hopola, e ne e le—e ne e le e mong oa likhaiseli tsa rōna. A lumetse ho Morena, ’me a tšohile ha Sakea a ka e tlohela ea feta a sa amohela Jesu. ’Me, oh, Sakea e le motsoalle e moholo oa moprista mono. ’Me a rapella ketsahalo e tla tutubolla mahlo a hae, a tle a lemohe hobane enoa e ne e le e Moholo, hore lena e ne e le Lentsoe la Molimo le netefalitsoeng, le entsoeng nama har’ a rōna. ’Me re lekile ho ’molella . . . ho ’molella kamoo Jesu oa Nazaretha a tsebileng makunutu a pelō, ho Mo supa e ne e le Lentsoe, kaha Lentsoe le senola merero e ka pelōng.

⁶⁶ “Lithole,’ a rialo, “Na ke lumela moprista. Se boleloang ke moprista se ntekane.’ Hoba e ne e le setho sa—sa litsamaiso tsohle tsa motse, bo Kiwanis le ntho ka ’ngoe, ua tseba, a batla a thatafalloa ho e tela. Rebeka a re kopile bohle ho rapela, ho rapela. ’Me nako le nako ha re fihla temaneng e reng Ke moporofeta, a re, ‘Lithole! Moprista o re, “Ke Belsebule. Ke liabolosi. Tseo u li etsa ka matla a Liabolosi. ’Me Ke mobali oa monahano feelsa. Ke phetho se leng teng. Ha ho letho teng.” Ntho e joalo ha e eo letsatsing lena; re qetetse baporofeta makholo a lilemo. ’Me ho ea kang ha Thaka leo, a sa tšoara le setlankana sa botho, E ne e ka ba moporofeta joang? Oh, lekhale E ke ke ea eba ntho eo!”

⁶⁷ “Empa, u a tseba, Rebeka a ’na a tiisettsa, mohatsa’ e, a ntse a rapela. ’Me hoseng ho hong mohla Jesu a kenang motseng,

be, eaba re fumana, Rebeka a re bolella Sakea o tsoile ho kena e—e seterateng, ho Mo bona. A sa Mo lumele e le moporofeta, ka hona a re, ‘Ke tla Mo hlaba hantle ka mahlo,’ kamoo a re paketseng tsatsi le leng mohla re jang reshurenteng. Eaba o hloa sefate sa sikamora, le ho re, ‘U a tseba ke’ng, ke tla ikhakanya holimo mona A tle a se ’mpone. Ke mothoana feela, le hona, ke mokhutšoane ka seemo. ’Me tlase mane ha ke khone ho ‘Mona, har’ a mokhupi, ka hona ke tla hloa holimo mona sefateng.’ ‘Me eaba o fihla mateanong a makala a mabeli—mabeli moo, teng a lula fatše, makaleng ana.”

⁶⁸ Tulo e khabane ho lula le ho lekolisisa. Ke mateanong a litsela tse peli, ea hao le ea Molimo; menahano ea hao. Ke ntho e khabane, ho e nahantisisa.

⁶⁹ “Ka hona a re, ‘U a tseba ke’ng, O tšoanetse ebe ebile moporofeta. Ekaba E ne e le eèna. Nka tšoaha ebe ke fositse. Ka hona ke tla le bolella, ke tla Mo shebisisa; ‘me A ke ke a ntseba. Ka hona ke tla shoba mahlaku ohle ke a hule tjena, ke ikoahèle, ‘me ke tla ikhakanya A tle a se mpone ho hang. ’Me ke tla Mo sheba ha A feta. ’Me haeba A sa tšoane le motho oa mofuta o lokileng, ke tla Mo tšolela maqa, ke ntse ke lutse holimo mona sefateng sena.’ Ka hona a sheba, ‘me a hutse lehlaku a tle a khone ho phahama le ho Mo sheba ha A hlaha ka khona.

⁷⁰ ““Me eitseha A hlaha khoneng, a tsamaea a theoha ka seterata, u a tseba, a sheba koana le koana, le barutuo ba ntse ba re, ‘Emellang koana. Ke mohau.’ Le batho ba tšoere bana ba kulang le lintho. ‘Ke mohau, Moholo o khathetse haholo; tšebeletso e kholo eo ea maobane. ’Me, ka boikokobetso, hleng na le ka emella thokoana la Mo lumella ho feta. Be, O ntse A theohela motseng, ‘me na le ka emella thoko hleng?’ ’Me Sakea eéna a lutse holimo sefateng, a Mo nyaretse fatše.

⁷¹ “Eaba Jesu o toba hantle tlas'a sefate, a ema, a lelala a re, ‘Sakea, theoha mono. Kajeno Ke tla fapohela ha hao, ho ja tinare.’ Ea e batalatsa ho ‘na. O mo tsebile holimo mono, a tseba lebitso la hae, seo a neng a le sona. Eaba ke phetho. Ho ‘na, eo ke Messia. E, monghali. Hobane, rea tseba Messia o ne a tla etsa hoo. Ruri. Eaba O tlameha ho ea le eèna ha hae, ho rialo, tinareng ea letsatsi leo. Ebile nako e kakang eo! Re sa e hopola.”

⁷² U a tseba, e tšoanetse ebe ebile nakong eo, tšebeletso ea bopaki e tsöeletse. U a tseba, barutuo bana ka ntle mono leoatleng, ba ntse ba paka, e tšoanetse ebe ebile tlase koana lefifing le tebileng ‘nq’ a e ‘ngoe, mafatšeng a leboea mono, moo Satane a hloeleng leralla a nyarela fatše. A shalima kopano eo ea bopaki, ‘me a ba fihlela ba tsamaile Eèna a le sieo. Monyetla oa hae oa hlaha moo.

⁷³ Ua bona, ke kholoa tema eo e boetse e khutlile, e iphetile. Ba entse, tlas'a thôôthèlo ea tsöeletso, ba tlohile A le sieo.

'Me ke kholoa haholo re hlahetsoe ke hoo kajeno, hore, horeng ena ea pherekano, le hoba re bone tsoseletso e kholo ena. E haotse lefatše ho pota. Sechaba ka seng se beselitsoe mollo oa tsoseletso, 'me o a tuka; litšebeletso tse kholo tsa pholiso; batho ba amohela Moea o Halalelang, ka mashome a likete tsa likete. 'Me thōōthèlong ea eona, mokana barutuoa ba pakileng seo A se entseng, "'me, oh, re Mo bone a etsa *sena*, 'me re Mo bone A etsa *sane*," ke lumela re tlohile re tsamaile joaloka bona, ka ntle ho Eèna.

⁷⁴ Re tlohile ra thakhola menyetla e meholo e—e hlahileng ka tsoseletso. Re thakhotse menyetla ea ho fehla chelete e ngata, likereke, ho aha meaho e meholoanyane, libakahali tsa litonana tsa milione-ea-dolara, likolo tse kholo, litsamaiso tsa thupelo, le ho holisa bolumeli ba rōna. Le ho besa mananeo a rōna a bokomonisi, khahlano le bokomonisi, ke phetho seo re se buang kajeno. 'Me ntho ea pele u a tseba, Satane o re bone re kakatletse mananeo a rōna a khahlano le bokomonisi, re kaletse mananeohali a rōna a bolumeli, le ho kalla a "milione o mong hape," le lintho tse joalo, mokana ba li entse.

⁷⁵ 'Me re thakhohile ntle le tšebeletso ea mehla-ea-khale ea thapelo le ho khutla ha kolobetso ea Moea o Halalelang, ho fihlela mollo o tukela tlase. U ka hlaba mokhosí, u leka ho memela batho aletareng, 'me ba itsamaela eka ba shoele, ba tšaba ho tla. 'Me u ntano kopa bareri ho tla ba rapella, "Oh, hore'ng a kopile 'na?" 'Me ba theohela tlase mono, 'me u batla u sa ba fumane. 'Me ba tla ema mono metsotsø e 'maloa, ba u shebe, ba khutle ba lule litulong tsa bona. Ho 'na, mollo o timme! Ntho e hlahile. Mamelang! Seo re se hlokang ke tsoseletso, eo baetsalibe, ba shebang Kreste, ba baka, ba mathela aletareng ba phahamisitse matsoho a bona, ba hooeletsa ho hauheloa, 'me kereke eohle e le khanare ea mollo, ka khanya ea Molimo.

⁷⁶ Thōōthèlo ea monyetla oa rōna ho holisa malumeli a rōna, re hahile likolo tse kholoane ho rupella bareri ba rōna, re ba isitse hole le Molimo ho feta qalong ea bona. Molimo ha o tsejoe ka thuto. Ha O tsejoe ka thutabomolimo. Molimo o tsejoe ka tumelo. U ke ke oa hhalosa Molimo. O hole le ho hhalosoa.

⁷⁷ Shebang se entsoeng, rōna Mapentekosta re kileng ra ba pentekosta. Basali ba rōna ba pomme moriri oa bona; ba tlola meikapo. Banna ba rōna ba e lumella. Bareri ba rōna ba e lumella. Ba tšaba ho bua letho ka eona. Kereke e tla ba leleka ha ba ka etsa. Oh, haeba re sa hloke ho fiela ntlu, ho qala koana sefaleng ho isa mokatong. Ke lihlong. Ke tlottollo.

⁷⁸ Monna o tlide ho 'na, nakoana e fetileng, le ho re, "Moena Branham, batho ba u rata." Empa ha thoe, "Ha u phetse ho ba omanya, ho omanya basali bao, mabapi le moriri oa bona o mokhutšoane le lintho tse kang tseo."

Ka re, "Bibele e tlalehile e le tlottollo ho eèna ho ba joalo."

⁷⁹ Ka ketso eo o tlotlolla monna oa hae. 'Me ke sesupo se tiileng sa hobane u furaletse Molimo. Hopolang, lebakeng la Samsone, moriri o molelele e ne e le pontšo ea Bonazare e reng o tlohile lefatšeng, ho ea Lentsoeng la Molimo. 'Me ha le poma moriri oa lona, basali, le itatola pontšo eo ea Bonazare. Le tlohile la ea Hollywood sebakeng sa ho khutlela Bibeleng. Bibebe e itse, "Ba se ke ba beoloa ke hona." Ua bona, ke lihlong, 'me bareri ha ba bue letho ka eona.

⁸⁰ Monna enoa o itse ho 'na, "Hore'ng u sa tlohele basali bao?" Ho re, "Ba u nka u le moporofeta."

Ka re, "Ha ke eso ipitse moporofeta."

⁸¹ Ho re, "Ba u nka u le seo. Ba rute ho amohela lineo tsa moea ba etse ho hong. U tlameha ho ba ruta lintho tse kholo, tsa litonana."

⁸² Ka re, "Nka ba ruta lipalo tse thata athe ha ba tsebe Sepèleta sa bona, tsela ea ho phela bohloeki? U tla e khona joang? Yaa, theohela nthong ea ho qala pele."

⁸³ Selemo ka mora selemo, ha ke parola naha, ho mpefala ka linako tsohle. Phoso e teng 'nq'a e 'ngoe, ha e Lentsoeng. Ha re makale re sa khone ho tukisa mollo oa tsoselsetso. Re hloka nako ea ho fiela ntlu. Molimo o ke ke oa e sebetsa pele re khutlide. Re hloka nako ea ho hloekisa ntlu.

⁸⁴ 'Me uena monna, u lumellang mosali oa hao ho etsa tse joalo, ho tena lishoto! Bao hasse Bametholise, Mabaptise. Bao ke Mapenetekosta, ke hantle, "sebopoho sa borapeli, Mongoaha oa Kereke ea Laodisea, fofo," Pentekosta ka lebitso, ke phetho. Pentekosta hasse lebitso, ke boiphihlelo ba kolobetso ea Moea o Halalelang, e hloekisang batho. Ha re makale re sitoa ho tšoara litšebeletso tse kholo tsa pholiso le lintho, ntho e tsamaile ka phoso kae-kae. Ke Satane, o re bone re tsoile re leka ho . . .

⁸⁵ "Be, ha re bua letho ka eona, ba tla fetola botho ba bona."

⁸⁶ Hopolang, ha u bokotse Bakreste. Bakreste ba khohlahetse. Ke banna le basali ba Molimo, ba emelang Molimo, ho sa natse mang o reng. Ha u a tlameha ho ba qeka le ho ba qophella, le ho ba nonetsa ka monkoane le ho neneketsa. Eo ke ntloanakarubetso, semela sa lejakane, ha sea loka ho hang, ha li ke li hlahisa letho.

⁸⁷ E nkhopotsa, eka e . . . Kapele e tla ba sehla sa ho alama. Ke bone linonyana kajeno, mono, lirobele li jara lehlokoa li le sunya lihlaheng. Haufinyane li tla alama, li qhotsisa mahenyana a tsona. U a tseba, nonyana e ka tlatsa sehlaha mahe, 'me e ka lula holim'a sehlaha seo sa mahe, 'me e a phethole metsotso e meng le e meng e 'maloa; ho a phethola ka maotoana a eona, 'me ea lula mono. Joale, ha e lesa mahe ho hatsela, hang hoba a futhumale, a ke ke a qhotsa. 'Me e fofa feela ho thola mothamo oa lijo, 'me e khutlele holim'a oona.

⁸⁸ 'Me u a tseba, 'me nonyana eo oa khale, a ka lula holim'a mahe ao, 'me a a phethole metsotso e 'meli, 'me ho sa... a ba a iketsa sehlabelo a itima lijo a sotleha hoo a sitoang ho phahama sehlaheng. Empa pele, he, sethole seo haeba se sa kopana le nonyana ea mokoko, mahe ao a ke ke a qhotsa. Ho sa natse eng, u ka a bokotsa ha kae, a ke ke a qhotsa. A tla robala ka sehlaheng a bole.

⁸⁹ 'Me haeba Pentekosta e kile ea tlameha ho kopana le Molekane, Jesu Kreste; hoba ha re fumane letho haese sehlaha sa liruo, ba latolang Tumelo, ba kenela Lekhotla la Likereke, 'me ba e bitsa lintho tse kholo, ho bapa le mopapa, ho thoe "ke ntho ea semoea." Molato ke'ng ka lefatše, lona batho ba Pentekosta? Ana ha le tsebe Bibele e boletse lintho tseo li tla hlaha? 'Me re hholiea kahobane Bametholise le Mabaptise a kena, le lintho tsohle tse kang tseo. Ana ha le elelloe mohla moroetsana ea robetseng a tlang ho reka Oli, Monyali o fihlile ka eona hora eo? 'Me ha ba fumana Oli! U a tseba, Hloibilo e tla hlaha ka sekukhu se se kana, le ho feta, nakong e itseng ena, u ke ke oa tseba hobane e a etsahala. E tla be e fetile, 'me u tla ipotsa se hlahileng.

⁹⁰ Mokana Johanne ea fihlileng lefatšeng. 'Me ba itse ho Eèna, ha thoe, "Be, Bibele e boletse, Elia eka khone a tle pele." O itse, "O se a tlide, 'me ha lea tseba."

⁹¹ Ho tla ba joalo, ka mohla o mong, ba tla re, "Ke itse sena se tla hlaha pele ho lekhathé la Matšoonyeho. Ke itse Hloibilo e tla hlaha." Mantsoe a tla neeletsana a khutle, "E se e hlahile 'me ha u e tseba." Uh-huh. Ekaba morao ho feta tekanyo ea hao. Oh, ako tsohe, kereke! Nka mpa ka e tlohela; mona ha kea tlela thuto, ke itse ke e otlelle ka hare le tle le e fumanee ka thoko.

⁹² Hopola, moena, Satane o bone mananeo a matonana ana, kereke e 'ngoe e leka ho hlolisana le e 'ngoe, bolumeli bo bong bo leka ho hlolisana le bo bong, ho hlaola ho se rutehe hohle 'me ba tlamehe ho ba fetisa hlahllobong ea saekholoji, ho lumella mosaekholoji a fetise monna tekong pele a kena masimong a boromua. Pentekosta! Che, bao—bao—bao ha se Mapresbeteriene, eo ke Pentekosta. Sehlopheng se itseng sa Mapentekosta ho hlokoa teko ea kelello, sehlopha se seholo, pele limishinari li ka khatha tema masimong.

⁹³ Ho ka thoeng holane ba fetile tekong ea mokhalo oo? Ba fetile tekong. Tšimolohong e ne e le teko ea pentekosta, mohla ba emeng phaposing e ka holimo ho fihlela Mollo o tsoa Holimo, le Matla a Molimo. Teko e ne e le eo.

⁹⁴ E seng seeshana sa lefatše, mosaekholoji ea emeng mona a batla a tahiloe a leka ho etsa qeto, ha u batla u hlafetse, kapa ho hong, ho thoe, "Ho felile ka uena." Athe, tšupo ea monna oa moea ka 'nete ke ho jeoa ke lineref, o tlameha ho kena maemong ao ho ka kena ho Oona. Ke lona bao he, ua

bona, le ho lubakanya seo Molimo a lekileng ho se etsa ka lilemo, le ho khutla hantle ka mananeo a bona le linthohali tsa bona...

⁹⁵ Ba thōōthēloa ho bona batho ba bokane 'moho. Ho thoe, "Holane nka ba fetola Assemblies bohole! Holane nka ba fetola Oneness bohole! Holane nka ba fetola Metholise bohole!" Metholise e leka ho fetola bohole Metholise, Baptise e leka ho ba fetola bohole Baptise, Mapentekosta bohole Mapentekosta! Oh, u ke ke oa etsa letho ka eona, bao ba reriloe ke Molimo ho tloha motheong oa lefatše. Re lokela ho bolela Evangel. Ke pheto. Empa, manehohali a rōna, re tlohile re sa tšoara Mollo. Re tlohile ra iphehlēla mollo oa lapeng oa boiqapèlo, kamoo ho etsahetseng.

⁹⁶ Le bokomonisi ba rōna, joale re tšohile haholo, bokomonisi bo kene, "Ho tla etsahala'ng?" Empa, u a tseba, ntho e kholo hase bokomonisi. E reng ke le boelle hoo joale, ha kea tšoha bokomonisi.

⁹⁷ Empa ke tšohile sena, lona Mapentekosta, Lekhotla lena la Likereke le tlil'o le sheshena. Ke eona ntho. Le tlil'o bopa letšoao la sebata, 'me le tla tlameha ho kena ho lona. Hobane le mokhatlo, le tlameha ho kena kapa ho tsoa. Ke eona ntho, 'me mang ea lokileng, ea kelello, motho oa moea o tseba seo. Re hloka bopaki bo bong ba-holim'a-leoatle, rea e fumana joale. 'Me Pentekosta ea rōna, e e metsa, maotoana, letlalo le litlhakoana, "E tla ba nthohali e kakang." Athe, Metholise, Presbeteriene, Luthere, kereke ea Kreste, le Mapentekosta, le tla tlameha ho latola—latola thutohali ea lona ea boapostola, ho kena ka mono. Ba tla tlameha ho etsa hona hoo. Ha le na ho tlameha ho etsa letho ka mono. Hoo hohle ho itlama settlamo le Roma, hantle feela se pakiloeng. Lengolo le boletse joalo.

⁹⁸ Molato ke ofe ka bareri ba lumellang lintho tsena ho kena maemong ana, ba sa lemose batho? Molimo o tla e batla matsohong a bona. Hantle nakong ea bothata bona, ba kene khathatsong, ba le mono. Hase bokomonisi bo kenang; Lekhotla la Likereke ke lona le tla metsa sehlopha sohle. 'Me le hopole, ha u re, "Na ha se..." Ha e hlaha, e se e le morao. Le se le amohetse letšoao la sebata. U setho sa lona lekhatheng leo.

⁹⁹ U mpe u fihle moo u ka le balehelang joale, e, monghali, ho tiiseletsoa 'Musong oa Molimo. 'Mele oa Kreste ke 'Mele oa sephiri oa Kreste, ke ho kolobetsoa ho Oona ke Moea o Halalelang; ha se ho ngolisetsa ka ho Oona, ho thotèloa ka ho Oona, ho fereheloa ka ho Oona, ho buela ka ho Oona ka lipuo, ho hooeletsa ka ho Oona. U tsoalloa ka ho Oona, ka Moea o Halalelang. Ke hantle. Ruri.

¹⁰⁰ Joale re elelloa lintho tsena, mathata a hlaha ka tšohanyetso. Oh, Liabolosi a yarèla a re, "Uh-huh, ba tlohile

ba thefutsoe ke tjantjèllo, ke bao ba tsoile ba qhomela holimo-le-tlase, ba hooeletsa, ba itahile monyakeng. U a tseba ke'ng, ena ke nako ea ka ho ba tebisa. Ke tla ba lokisa joale."

¹⁰¹ Ka baka leo a hloa learalla a qala a bulula pululo ea hae e chefo, whew, "Matsatsi a mehlolo a fetile. Ebile, ke lumela batho bana ba tšoeroe ke linerefe feela. Ke nahana ba tlameha ho fetisoa e—e—e hlahlobong ea kelello pele ba kena masimong a sele." Mapentekosta! Uh-huh. Ana le bona pululo ea hae e chefo ha e bolaea Lentsoe, "Oh, ke E lumela e le ntho e 'ngoe, ke—ke a e lumela..." Ua bona, ho khutlela morao hantle joalekaha malumeli ohle a entse, ba tsamaea eona tsela eo. Ba tla etsa, e a e bolaea. Eona hora eo le e hlophisang, e a e bolaea. Esale e etsa. E tla etsa joalo ka mehla. E ke ke ea hlola e tsoha hape. Ha eso tsejoe nalaneng. Mona ho—ho Mongoaha Kereke ena ea Laodisea, Kreste o na a ame ka ntle ho kereke, a kokota, a leka ho kena ka hare. 'Me ha ba batle ho Le emela. Ha ba khone ho Le mamela. Joale rea fumana, horeng eo re phelang ho eona, bothata bo kene.

¹⁰² 'Me ha re qala re fumana, mehlolo ha e sa etsahala, joaloka mohlamonene. Bakuli ba khutlela lapeng ba kula. Ha se ka lebaka la Molimo. Ke ka baka la khaello ea tsoseletso har'a batho. Tsoseletso ha e eo. Ba—ba lula ba mamela; ba ea hae, ho thoe, "Be, kea kholoa e ne e itoketse. Uh-huh." Ua bona, cheseho ha e eo. Ntho eo e tlamehang ho aha ka har'a batho ha e eo.

¹⁰³ Ke hopola lilemo tse leshome le metso e mehlano tse fetileng, mona Arkansas, mohla ke tšoereng kopano e nyenyane holimo mono Jonesboro, mohla batho ba ka ka likete tse mashome a mararo ba lekang ho etela sena, ho etela kopano motseng oa batho ba ka etsang likete tse leshome le metso e mehlano. 'Me ba robetse tlas'a lilor tsa boea le sohle, ba koahetse bana ba bona ba kulang ka lipampiri, ho kena ka hare feela. Ba ne ba lutse litulong tsa bona ba sa tsamaee, letšeare le bosiu, 'me ba rome baratuoa ba bona ho lata hambega le e—e botlolo ea pop; ba lule mono, letsatsi le chabang le letsatsi le likelang, letsatsi le chabang le letsatsi le likelang. Lipelo tsa bona li ne li chesa, li tuka. Enereha Molimo etsa nthoana, e ba hotetsa. 'Me makholo a bona a kena.

¹⁰⁴ Esale Molimo oo, bosius bona, e neng e le Oona lilemo tse leshome le metso e mehlano tse fetileng. Esale Molimo oo, bosius bona, e beng e le Oona mohla A bopang maholimo le lefatše.

¹⁰⁵ Empa ke'ng? Re fuluehile bohle re batlile ho aha mekhatalo ea röna, re batlile ho aha *sena*, le ho aha *sena*, le ho holisa ntho le ho e bentša, ho ipapisa le ba ha Joneses, le Mamethodise, le Mabaptise, le Presbeteriene 'moho. Ha le ba bona. Che, ha le joalo. Ke batho ba malumeli, etsoe bo

itoketse, ha ho letho khahlano le bona. Bakreste ba bangata har'a bona, empa ha lea tlameha ho itsoaka le lihlopha tse sa lumeleng tseo. "Batho ba latolang Matla a jona," ha lea tlameha ho ba emela.

¹⁰⁶ U a tseba, bothata ba eona, le leka ho sutela Hollywood ka kerekeng. Le tlamehile le be le leka ho ntša Hollywood ka kerekeng. Ua bona? Le leka ho ntlafatsa meaho ea lona, le leka ho aha bolumeli ba lona bo be boholo hona, ho fihlela bo hula maikutlo a batho. Re ke ke ra tšeleta ka 'nq'a ea bona. Re tlameha ho ba tšelisetsa ka lehlakoreng la rōna. Sohle se mahali-hali, hopolang, Hollywood e halimisoa ke lefatše, athe Evangelie khantšoa ke boikokobetso. Phapang e kholo lipakeng tsa ho halima le ho khantšoa. Evangelie khantšoa ke boikokobetso, le mosa, le boithobo, le matla. Athe, Hollywood e halimisoa, 'me mang le mang o tjolietsa a hooeletsa, 'me a ea ho eona. Ua bona? Ha re hloke hoo.

¹⁰⁷ Re batla ho phela Leseli le leholo. O boletse, "Le letsoai la lefatše." "Ekare ha letsoai le tapa," ao ke matla a Evangelie. Re tlameha ho fumana ntho e tsamaeang ka likerekeng tsa rōna, hoo Bametholise, Mabaptise, Mapresbeteriene, le bao bohle, ba tlang ho lakatsa ho tla. Re tlameha ho nokoa letsoai hona! Letsoai le hlahisa lenyora, le bopa lenyaora. Letsoai lea noka, ha le kopana. Le tlameha ho kopana le ho hong.

¹⁰⁸ 'Me rea fumana, tjentjèllong ea rōna e kholo ho leka ho ipapisa le Metholise le Baptise, le meaho e meholo le litulo tse kholo, le batho ba rutheileng ba batle, le likolo tse kholoanyane le likholeshe tse kholoanyane, le ntho eohle ka tsela eo. Re kene tjantjèllong, 'me ke mona ho hlahile bothata.

¹⁰⁹ 'Me kelello ea moea e a qamaka 'me e re, "Mona, beang butle motsotsa mona, ana bohole re tla tlameha ho nka Lekhotla leo la Likereke? Na sehlopha sa rōna sohle se tla kena ho lona?" Ehlide, lea tsamaea. Ke eona hantle. Le shebe le bone haeba le sa etse hoo. Bibele e le boletse le tla etsa, ka nepo, 'me Kreste o tla be a eme ka ntle. Khoeli e fifetse pele mopapa (oa pele ea kileng a etèla Roma), bosiu bo bong, ho le bontša pontšo maholimong. E sa leptjoa, e entse hoo. Kamoo Morena a etsang lintho letsatsing lena, ho a babatseha!

¹¹⁰ Hape horeng e kholo ena ea lefifi, mohla ba leng koo, ha tsoha meeaa. Litšepo tsohle tsa ho phonyoha li nyametse. Joale le tla etsa'ng ha bolumeli ba lona bo iketsa setlama le Lekhotla la Likereke? Ho tla etsahala'ng ka linthohali tsa rōna tseo re li hahileng lefatšeng mona, tšepo ea ho qetela e nyametse?

¹¹¹ Empa u a tseba, eare ba se ba tla hooeletsa, le litšepo tsohle li nyametse, ba ke ke ba pholosoa; 'me hang feela, ba Mo bona a e tla, a tsamaea holim'a metsi. Horeng e lefifi, O tlide, ho kena a tsamaea.

¹¹² U a tseba ke'ng? O ba siile, A tsebile se tla hlaha, eaba O hloa leralla le holimo ho fetisisa naheng. Ha u nyolohela holimo, u bona hojana ho feta. 'Me A hloella holimo hona A tle khone ho ba lisa, u a tseba.

¹¹³ 'Me O tsebile se tla fihla. O lepile ho fihla ha letsatsi lena. "Joaloka matsatsing a Sodoma, ho tla ba joalo ho tleng ha Mora motho, mohla Mora motho a senoloang." Hape, Mora o tlamehile ho senoloa. Moloko o khopo oona le o mofebi o tla batla pontšo. O tla fuoa pontšo. O tla e latola joaloka mohlang oo, empa e tla ba pontšo ea tsoho. O sa phela, ho sebetsa mokana A entse.

¹¹⁴ Rea fumana, horeng e kholo ena, barutuo a bao bohle ba ferekane, A hloella holimo hona A tle a ba lise. O ne a lutse holimo mono leralleng, a ba lisitse.

¹¹⁵ 'Me joale khetlong lena ha A hloa thaba, empa O hloele a tsoa lebitleng, a hloa a haola sebakeng, ka 'nqa'ne ho khoeli, linaleli, A ba a hloella holimo hoo A tlamehang ho shebela Leholimo tlase. 'Me ke eo O lutse mono, Holimo. Joale mahlo a Hae a lisitse le serobele, le 'na kea tseba hobane O re lisitse. O ntse a shebile.

¹¹⁶ 'Me hantle mona horeng ena e lefifi, mohla likereke tsohle li seohetseng mananeo a maholo, 'me ba lohile leano *lena* le leano *lane*, hohle ho raliloe sa likereke tse ling tsohle, malumeli. 'Me ho etsahetse'ng? Horeng e lefifi, mohla batho ba moea ba ipotsang, "Ebe ho tla etsala'ng? Sheba bana ba ka!" Monna o re, "Sheba mohatsa ka! Sheba *sena*!"

¹¹⁷ 'Me ba qhala Sontaha, kapa tšebeletso ea thapelo ea Laboraro bosiu, pejana, ba tle ba eo shebella *Re Rata Sucy*, kapa ntho e kang eo, thelebisheneng. "Ba ratang menate ea lefatše, ho feta ba ratang Molimo." Ba etsisa bona.

¹¹⁸ Ke boleletse mosetsana letsatsi le leng, a ikhamōtse ka mose hona. Ka re, "Khaitseli, mose oo o tiile haholo. Ekare ha se tšoanelo ho 'na ho u rialo ho uena, empa ke eona. U Mokreste, 'me u ka tšoha u bea lejoe la khopiso."

¹¹⁹ A re, "Be, Moena Branham, ua tseba ke'ng?" A re, "Ba roka mofuta oona feels."

¹²⁰ Ka re, "Ba rekisa lithepa, 'me ba teile machini a rokang. Boitatolo ha bo eo." Yaa.

¹²¹ Mamela, e re ke u bolelle taba, motsoalle oa ka ea ratoang. Ha ke u qoholle. Che, monghali. Ke leka ho u phemisa hlokofatso. Ha feels moea oo o ahile ka ho uena, u tla 'na u e etsa. Ke hantle. U tlameha ho e phonyoha ka tsoalo. Joale iponele e le uena hlahisong eo, empa e re ke u bolelle taba, ua bona, "Letlotlo la hao le moo, le seo pelō ea hao e leng sona."

¹²² E re ke u bolelle. Ho monna oa hao ekaba u hlokile sa mohalalitoe, 'me ekaba u hloka sekoli sa mohalalitoe, u

kharejana, ho mochaufa oa hao, empa tsatsi le leng Molimo o tla u botsa ho ikarabella bofebe. U molato ho apara joalo. Jesu o boletse, "Ea shalimang mosali ho mo lakatsa, o se a mo febile pelōng ea hae." 'Me mohla monna eo a tlangaang ho arabela, moetsalibe eo, ka ho u shalima, ka ho feba, ea ipepeselitseng eèna ke mang? E nahane. Lona basali ba Pentekosta, le hlabisa lihlong! Ua bona? Le hlabisa lihlong!

¹²³ Kea u rata, ke rialong ke hona. Lerato ke tokiso.

¹²⁴ Re ikakhetsé tjantjèllong ea tonana, tjantjèllo ea kholo ea moaparo. Ho a tšoana, 'me ho ipapisoa, le lefatše. O boletse, "Se rateng lefatše, leha e le lintho tsa lefatše; haeba le etsa, lerato la Molimo ha le eo ka ho uena," ha ke tsotelle u bua ka lipuo ha kae, ho qhomela holimo-le-tlase, ho hobela; ho poma moriri, ho tena mese e joatso. Uena monna u a e lumella. Litholoana tsa hao li supa kemo ea hao. Ke hantle haholo. Ha re makale re sohlometse qhafutsong e kanana, le meeaa ea bokomonisi, meeaa ea bokereke, meeaa ea lekholtla la likereke!

¹²⁵ Ke e—ke nako e kholo ea ho ngolisa, nako ea ho bopa litlamo. Litlamo li bopa setlamo sa mosebetsi, ba phehisana ka oona. Lichaba li ipopetse e—e Machaba A Kopaneng, ba ntse ba tlamahana. Likereke li a tlamahana. Seo sohle se supang? Se supa Kreste le Monyaluoaa ba itokisetsa ho tlamahana. Ke sona se lekangoang. Liriti tsena tsohle tsa lintho li supa sebele se tlang ho latela. Elang hloko joale re sa koala, ho ba ke siioa ke nako.

¹²⁶ 'Me joale lemohang, horeng e kholo eo mohla tšepo eohle e balehileng, ea ho phonyoha, ba bone e Mong a e tla, a tsamaea holim'a metsi, a nyoloha. 'Me ntho, karolo e bohloko, mamelang theang tsebe, ntho e le 'ngoe e neng e ka ba thusa, ba e tšabile. Ba itse, "E ka re moea. Ekaba oona, u a tseba, moea."

¹²⁷ Haeba e sa iphetha! Ba Le tšaba. Ba tšaba bonohe, ba tšabana le matla a itseng a liabolosi; athe Jesu o E tlalehile ho hlaha letsatsing lena. Ntho feela e ka ba thusang ke Jesu Kreste. Ha se bolumeli bo bong, ha se setlamo sa eona eohle 'moho; hoo ho tli'l'o e mpefatsa le ho feta. Ntho feela e ka u thusang ke Jesu Kreste.

¹²⁸ Athé O tsepisitse ho khutla matsatsing a bofèlo, ka sebopého sena, le ho etsa sena, ho tsepisa (mokana mora oa pallo a boetse ho Abrahama, peo ea pele) peo ea Abrahama ea borena, Jesu o tla... ho itsoe re tla bona hona hoo. Pele Mora oa pallo a boea, Molimo o tla Ipontša ka nama a etsise Jesu mohlang oo, kamoo A boletseng A tla etsa, kamoo e boletsoeng e tla hlaha matsatsing a bofèlo. 'Me ke mona lipallo tseo tsohle, tseo re ka li alang, ka litosene, hantle ka pel'a lona mona, ho thoe sena se tlameha ho etsahala.

¹²⁹ 'Me likereke, tse tlamehang ho phuthulla liatla, ho Le amohela, "Ke batla ke tšaba Hoo. Ha se ea sehlopha sa rôna,

ua bona.” ’Me ba Le tšaba. Eona ntho e ka ba fihlisang ho Kreste, ke Kreste ka Boeena, ’me ba tšabana le hore E a tšosa. “Oh, ha ke tsebe. Ekaba e tšoaelitsoe ke moea, u a bona. Ha ke tsebe letho la Eona.” Ho tšaba sona se ka ba thusang.

¹³⁰ ’Me horeng e lefifi eo ea khatèllo, kereke e khethiloeng eo, seholpha seo se lutseng ka ntle mono, se tšohile e ka ba sethōtsèla, ba sa batle ho amana le eona ka letho. Eaba ho latela Puo e mathè malōli eo, “Se tšabeng. Ke ’Na.”

¹³¹ Ke Lentsoe. Ha se Eèna na? [Phutheho e re, “Amen.”—Mong.] Le ka mohla ha A fetohé, ho ba Lentsoe. Joale ana ha le utloe Lentsoe ha le bua, bosiung bona, “Esale Eèna maobane, kajeno, le ka mehla. Se tšabeng; ke ’Na”? [“Amen.”]

Ha re inamiseng lihloho tsa rōna.

¹³² Ntate oa Leholimo, e—e mantsiboea a chesang. Lihora li fifetse, le kamoo Mollo o tsoileng alatareng. U sa ntse o khoahlapisa tšimong. U boletse, “Muso o bapisoa le monna ea nkileng letlooa a kena leotatleng, a le lahlela ka hare, le hoba a le ntše. ‘Muso o bapisitsoe le hoo.’ Morena Molimo, tsatsi le leng hlapi eo e ka metsing! U boletse, “Ba tšoasitse mefuta eohle.” Letlooa leo la Evangelí le tšoasa mefuta eohle; le tšoasitse likhulu, koreifishi, liōkho, linoha, hlapi ea mofielammila. Ha re tsebe seo le se tšoasang, empa mono hlapi eo U e setseng morao e le teng. Ke Uena Moahloli. Empa rea lemoha, hang khulu, koreifishi, le tsohle, li khutlela khatamping ea seretse, morao metsing. Empa tsatsi le leng hlapi e tlotsitsoeng eo, e reriloeng pele ho tla, karolo eo ea ho qetela ea ’Mele, e tla huloa letšeng leo.

¹³³ U lahletse letlooa matsatsing a Luther, le Wesley, Alexander Campbell, John Smith, Calvin, Knox, Finney, Sankey, le joalo; mongoaheng oa Pentekosta, matsatsing a F.F. Bosworth, le Frochman, banna ba baholo bao. U lahletse matlooa, matsatsi a Billy Sunday, ho theoha joalo le mongoaha.

¹³⁴ ’Me le joale U sa phophotha leoatle. Ana o teng ea lutseng mona bosiung bona e le e mong oa bona, Morena? Haeba ho le joalo, ba tšoane le mosajana eo selibeng. Esita le maemong a hae a boötsoa, a ’na a U lemoha u le Messia. O bone pontšo eo. Ea eba phetho. O itse, “Kea lemoha U moporofeta.” A sa hopola e ka ba Messia eo. O itse, “Re shebeletse Messia,” ka mantsoe a mang. “Rea tseba Messia mohla a tlang, O tla re bolella litho tsena.” ’Me U itse, “Ke Eèna.” Eaba ke phetho.

¹³⁵ Joale, bosiung bona, Morena, ba bone seo, “Ke ’Na; se tšabeng. Ke tšepiso ea Ka.” Folisa bakuli, Morena, pholosa ba lahlehileng, tlatsa ba lelea.

¹³⁶ Re tlohe bosiung bona, re hopotse lipelōng tsa rōna, re sa ikela, se ka ba tsoang Emmause, “Ana lipelō tsa rōna li ne li sa chese ka hare ho rōna A sa bua le rōna ka moahong bosiung

bona, Boteng ba Hae bo Mokhethoa!” Kamoo ba kileng ba tseba e le Uena, ba ntano U memela ka hare eaba mahlo a bona a tutuboloha. E mong le e mong oa rōna, bosiung bona, a U memele ka hare. Haeba re sa Le utloisise, re ke re U memele ka hare, le hona. U Itšenola joalo feels.

¹³⁷ 'Me re elelloa kamoo U Itšenotseng ka mora tsoho ea Hao, U sebelitse mokana U entse pele ho thakhiso ea Hao. Joale tloo bosiung bona, Morena, U ipoletse E ne e le "uena maobane, kajeno, le ka ho sa feleng." Boela hape, ho re etsetsa, mokana U entse matsatsing a ho ema ha Hao mona ka nama, lefatšeng. Re tla khutlela hae, ka lipelō tse bobèbè, joaloka ka bao. Re rapela ka Lebitso la Jesu. Amen.

¹³⁸ Joale tšebeletsong, bosiung bona, ke tseba ho hlile ho futhumetse, re bile re saletsoe ke metsotso e mashome a mabeli ho tsoa ka nako. [Sekheo lebanteng—Mong.] Kea . . .

¹³⁹ Nke ke ka khaotsa kapa ka sitisa tseo ke li etsang. Ke susumetsoa ke ho Hong, esale ke le joalo, bophelo bohole ba ka, 'me esale E nepile. Ha E-so mpolelle letho haese le ka har'a Bibebe. Nke ke ka le thibela. Nke ke ka etsa letho ka eona. E sebetsa hoo feels, leha ho le joalo. 'Me ke tiile, ha nka ba le kutlo, motho o teng ea e hlokang. 'Me ke tla tsepahala. 'Me ka Letsatsi leo, kea batla, joaloka Mohalaleli Pauluse e moholo oa mehleng ha a buile, "Ha ke na mali a motho letsohong la ka." Huh-uh. Ke—ke batla ho le bolella 'Nete. Ha se hobane ke . . . Kea le rata.

¹⁴⁰ 'Me holane o na le moshanyana e monyenyan . . . Joale e nahane, mofumahali, lona bao ke ba omantseng nakoana e fetileng, lona bokhaitseli ba pommeng moriri le linthro. Holane ke . . . Holane moshanyana oa hao a lutse ka ntle seterateng, e be u re, "Ncheme, moratuo, u mpe u kene ka hare, moratuo. Mohlomong, ha ke tsebe, ba ka u hatisa." Ha u rate ngoana eo. Ke hantle. U tla tsoela koo 'me u mo rutle letlalo, kapa u mo kenyé ka hare. Ke hantle. U a mo rata.

¹⁴¹ Le Evangelie joalo. Molimo o a u rata. "'Me bao A ba ratang, O laea o khalema ngoana e mong le e mong ea tlang ho Eèna." Ha u sa khone ho mamella tao, u tloha o e halefela, e tla ba u ngoana bonyatsi, ha le bana ba Molimo. Ka hona u hopole feels, ke Lengolo feels.

¹⁴² Joale lentsoe le tsoang ho Eèna, lentsoe le le leng, le bohloko a ho feta seo nka se buang, maphelong a limilione. Ke Eèna. Re tseba tsepiso ea Hae. Re tseba seo A tsepisitseng ho se etsa. Joale ha ke tsebe haeba . . . na . . . rōna ho tloha . . .

¹⁴³ Na o boetse o abile litlankana? Na u abile litlankana kajeno? E ne e le efe? J, ho lokile. Ho lokile, ho boloka nako, ha re qaleng ho palo ea 'ngoe. Joale, mohlomong ba hohle ka moahong. J, palo ea 'ngoe.

¹⁴⁴ Joale re fumana moferefere. Re qalile ho tloha, ka nako e 'ngoe, ho qala ho sena, nako e 'ngoe, tse ling pele le morao, le

ka mathoko, empa re ba fumana ba liila hohle mona. Empa mang le mang ea kenang, letsatsi ka leng, ba na le monyetla oa ho kena moleng. Ha e bolele kahobane u le mona. . .

¹⁴⁵ Ba tsebang ba ba kae, ka kopanong ena, ho folisitsoe ba menahaneng ka ntle letšoeleng, ho feta ba folisitsoeng holimo mona? Ehlide, lea e tseba. Ua bona, setlankana sa thapelo ke ho nyollela batho koano mona, ho romela Moea o Halalelang har'a bona, kamoo le tloaetseng ho e etsa. Ha rea tlameha le ho e fuoa hona joale. Re ka 'na ra tlohela litlankana tsa thapelo.

¹⁴⁶ Mokana re entse bosiu ba maobane, maobane re ne re sa nka litlankana tsa thapelo. Moea o Halalelang o tlohile oa kena har'a ba sa nkang litlankana tsa thapelo. 'Me ka bona lintho tse ngata tseo ke sa buang letho ka tsona, hoba ke sa tseba haeba e le joalo kapa che. Lefifi la lula le ba aparetse, 'me ka e tlohela ea iphetela. Ke ne ke sa tsebe. Ho ba bitsa ho ke ke ha thusa letho. Sohle eo A se buang se nepile, ka baka leo le mamele seo A se buang.

¹⁴⁷ Joale na u itse e ne e le J? J, palo ea 'ngoe. J, palo ea 'ngoe, setlanka se nkiloe ke mang, phahamisa letsoho la hao. U tlamehile u be u fositse, mora; e tlamehile e be ntho. . . Oh, ke masoabi. Oh, motšeо koana pel'a lebota ka morao. Nyolohela mona, mofumahali. Ba—ba ee ba theohe le litlankana tsena joale, moshanyana, Moena Borders kapa Billy, e mong, ka nako tse ling bobeli ba bona, ba tsoakanya litlankana tseo pel'a lona, ba ntoo u nea setlankana sa hao, e bang u batla'ng. Ha re tsebe, li mpa feela. . . *Enoa* a ka fumana palo ea hlano, le *eane* a fumane palo ea supa, *enoa* a fumane palo ea leshome le metso e mehlano, le *eane* mashome a robong a metso e mehlano, 'me ha re tsebe. 'Me ebile, hape, ha ke fihla, ke mpa feela, sohle se lutseng pelōng ea ka, ke bitsa ho tloha moo, ho sa natse ke ho kae. Ke mpa feela. . . Haeba ke re. . . Ka linako tse ling ke bala bongata ba ba lutseng moleng, 'me ke e arole ka bana lutseng moleng oona 'me ke fumane karabo. Ua bona? 'Me ebile, haeba ke sa etse, khele, ke mpa feela. . . sohle se mphihlelang pele mohopolong, ke a bitsa.

¹⁴⁸ Palo ea 'ngoe. J, palo ea peli. Palo ea peli, palo ea tharo, palo ea 'ne, palo ea hlano, palo ea tšeleta, supa, robeli, robong, leshome, e reng ba tle, ua bona. 'Ngoe, peli, tharo, 'ne, hlano, tšeleta, supa, robeli, robong, leshome. Ke botle. Ke eona tsela, tloong hantle. . . Be butleng, e mong o ile ka 'nqa e sele. Ke ne ke. . . 'Ngoe, peli, tharo, 'ne, hlano, tšeleta, supa, robeli, robong. Ke hantle. Joale, mona, ke ena, leshome. Ke hantle.

¹⁴⁹ Leshome 'ngoe, leshome peli, leshome le tharo, leshome 'ne, leshome le hlano. Ke ba bahlano hape. 'Ngoe, peli, tharo, 'ne, hlano. Hantle, ke botle.

¹⁵⁰ Leshome le tšeleta, leshome le supa, leshome le robeli, leshome le robong, mashome a mabeli. 'Ngoe, peli, tharo, 'ne.

Ke bona ba bane feela. Mashome a mabeli, na mashome a mabeli a arabetse? Ho lokile. Joale, ha re batle ho emisa ba bangata ka lekhetlo. Joale ha re ka qeta ka tsena, 'me nako e sa setse, re tla nka tse ling. Ha re bitse... Koana re ka...

¹⁵¹ Ha re lekeng tse ling hape. Ha re lekeng tse hlano hape. Mashopeli-'ngoe ho fihla ho mashopeli-hlano, ho bo J, e reng ba eme ha le khona. Mashopeli-'ngoe ho fihla ho mashopeli-hlano. 'Ngoe, peli, tharo, koana morao ka morao, 'ne. 'Ngoe, peli, tharo, 'ne, ke ba ba hlano. Ke eona, joale ha re emiseng mono. Moleng ho eme mashome a mabeli a metso e mehlano, 'me ba—ba fotse moleng tlase mona.

¹⁵² Joale ke tlil'o le kopa mohau o le mong. Na le ka mpha maikutlo a lona a sa arohanang... Nehelang Molimo maikutlo a lona a sa arohanang, metsotso e latèlang e leshome le hlano, leshome le tšeleta. Na le tla etsa hoo? 'Me na le tla etsa see, ho bula pelō ea lona? Joale hopolang seo ke se buileng. Le se se fetisetse ka sekotlong sa lona, joaleka metsi a tšolohelang mokokotlong oa letata, maele a khale a rialo. Le se etse hoo. Nahanisisang Sena.

¹⁵³ Ha nka le bolella letho le seng Lengolong, le pallo ea hora, le tšoanelo ho bonana le manejara mona le ho tla mpolella eona. Ke hantle. Ha ke—ke rute letho haese le ka har'a Lentsoe. 'Me ha nka tiisetra Lentsoeng leo, 'me haeba ke Le tlaleha le le joalo, 'me Molimo... E ka har'a Bibebe. Haeba Lengeloi la Morena le mpoleletse letho le sieo ka har'a Bibebe, e ka be eba ha se Lengeloi la Morena. Ke hantle. Ha A eso mpolelle letho haese le ka har'a Lentsoe leo, 'me le ka mpakela. Ha A eso bue letho, har'a makholo a likete le likete, le lipuong tsa lefatše, moo A kileng a mpolella taba e phoso, kapa a bua taba e sa kang ea hlaha.

¹⁵⁴ Mamela. Botsa manejara le bao mona. Seo le se bonang mona, ke lehlakore la eona la boseea. Na ho joalo, baena? [Baena ba re, "Hantle."—Mong.] Khele, ka ntle mane, le ka ntle bophelong ba sephiri, moo A reng, "Theohela sebakeng sena, 'me u bone sena. 'Me sena se tla etsahala. Le mona u bue sena, tlase mona." Ke khafetsa, ka linako tsohle, ua bona, selemo se thoasang le se felang. Batho ba letšoeleng ba mpa ba bona e—e linthoana. Empa joale ha le ka ba le tšabo.

¹⁵⁵ Joale na mang le mang ea emeng moleng oona oa thapelo, ea emeng mona, le melata ho 'na? Phahamisang matsoho a lona haeba ho le joalo. Ho lokile. Ka ntleso ba ba kae e leng eona, ba tsebang ke sa tsebe letho ka lona? Phahamisa letsaho la hao. Joale e re... Kea leboha. Ha ke tsotelle na u ho kae, haeba u le seotloaneng, morao pel'a lebota, tlase hare mona, hohle moo u leng teng. Ke tlil'o...

¹⁵⁶ Joale, sena se etselitsoe molemong oa lona. Ke ho thusa lona. Ua bona, mona ke ho thusa lona.

¹⁵⁷ Ke itse ke setloholo sa ka seo se buang le 'na, empa e ne e sona. Ke na le setloholo ka mona 'nq'a e e 'ngoe, bosuing bona, o batla a le mo kaalo, 'me ke itse ke Paul e monyenyan. Esale a itse o tla tla, a eme sefaleng, a ntherele, 'me o batla a eso eso etse lilemo tse peli. Ke kholoa moshanyana eo a tsomana le 'm'ae.

¹⁵⁸ Ka hona le hopole, ke leka ho le thusa. Ke... Molimo o tseba seo. Ke leka ho le thusa, ua bona. Joale shebang, ke le batla le thusitsoe, haeba A ka kena har'a rōna.

¹⁵⁹ Joale e nahane, Botho ba Jesu Kreste bo sebetsa ka nama, mokana A tsepisitse A tla etsa la ho qetela. Ba ba kae ba Mo tsebang a tsepisitse hoo? [Phuthheho e re, "Amen."—Mong.] Joalokaha e hlahile tlase mono Sodoma, mohla Lengeloi ka sekotlong sa Lona, 'me e... E ne e le Molimo. Lea lumela e ne e le Molimo? Ba lumelang e ne e le Molimo ba ba kae? ["Amen."] Ehlide, e ne e le joalo. Bibele e boletse joalo. 'Me Eèna, Jesu, o buile ka eona. Joale elelloang.

¹⁶⁰ Joale lona ba ka ntle koo le hlokang setlankana sa thapelo, ke batla le nketsitse selo, hohle moo le leng teng. Joale le hopole, lintho tsena, shebang ha E le bolella e re le folile, kapa seo E le laela ho ea etsa selo. Ela hloko seo E se buang. Ha E u bolella, ke ho aha tumelo ea hao. 'Me e re ha tumelo ea hao e fihla tulong, ako nanabele feela 'me u amohele Molimo. Ha se 'na, hobane Ntate oa Leholimo o a tseba.

¹⁶¹ Ke sheba tlase moleng oona, ha ke bone motho eo ke mo tsebang. Ha ke bone letho haese batho ba babeli kapa ba bararo letšoeleng lohle, bao ke ba tsebang. 'Me ha ke tsebe joaloka, hantle joale, nka rialo, ho supa a le mong. Kea tseba hore Edmund Way o na le teng metsotso e 'maloa e fetileng. Ke itse ke 'mone, 'me ke—ke fositse... .

¹⁶² Ha ke sa fose, ke bona motho eo ke mo tsebang, ke monna le mohatsa'e, le ngoanana e monyenyan, ea bitsoang Fritzinger, ea tsoang holimo Ohio. Na ke eèna, na u moena—Moena Fritzinger? U batla u lutse ka har'a selikalikoe moo... Bao ke Moena le Khaitseli Fritzinger, ho tsoa Ohio, metsoalle ea ka.

¹⁶³ 'Me ntle le moo, ea lutseng morao mono, ke e... Ke bona lephakong koo, ke monnamoholo ea tsamaelang lilemong tse mashome a robong a metso e 'meli, ea bitsoang William Dauch. Eèna le mohatsa'e. Ke mooki. William Dauch, koana Ohio, motsoalle oa ka e moholo. Ha se khale, ha eèna, lilemong tse mashome a robong le motso, pelō ea hae e ema ka botlalo, a futuhetsoe ke pelō, 'me mohatsa'e a ntetsetsa, ho tla hang, a eshoa lekhatheng leo. 'Me joalo... .

¹⁶⁴ Esale e le motsoalle e moholo. Tseleng ha ke il'o 'mona, ke tšoenyehile. 'Me ka emisa, 'me le leng la mabili a ka le tsoile mocheng, le tabola lithaere tsa ka likotoana, eaba ke kena seteisheneng sa Texaco, ka fumana mafura, 'me ba tsoa, ho le

sheba. 'Me ka lelala, 'me ka bona Moena Dauch a tsamaea a khaohanya kereke ea ka, a ntsukutla ka letsoho. Ka re, "Ho bokoe Morena." 'Me ka boela ka hetla ka mona, 'me ke enoa a theosa ka seterata, a ntsukutla ka letsoho. Ka mo atamela.

¹⁶⁵ Ka bona ngaka ea hae, Mojuda e mocha, kapa monna oa lilemo tse bohareng, monna oa Mojude. 'Me ka re, "U re'ng ka eëna, ngaka?"

¹⁶⁶ Ho re, "Le monyetla oa ho loana ha a na oona." Ho re, "O tlas'a tente ea oksejene." Ho re, "O tlil'o shoela hona mono." Ho re, "Hopola, u lilemo li mashome a robong a motso o le mong."

Ka re, "E, monghali."

¹⁶⁷ Ho re, "Pelō e eme ka botlalo. Ha ho letho le ka etsoang." Ho re, "Ke nako ea ho tsamaea."

¹⁶⁸ 'Me ka re, "E, monghali. Empa, che, ha a tsamaee. Ke phetho."

¹⁶⁹ Ka kena ka hare, ka kenya letsoho la ka tlas'a tente. Ka re, "Moena Dauch, u ka nkutloa?" A lelala a ncheba. Joale bonnête, lebitso la hae, ke Lejeremane, D-a-u-g-h, 'me ke mpa ke e qapolisa Dauch, ua bona. 'Me ke—'me ka kenya letsoho la ka tlas'a tente, 'me ka re, "U a nkutloa, Moena Dauch?"

A re, "Yaa."

Ho re, "Ha u tsamaee. Ke u bone u sa tsamaee."

¹⁷⁰ Veke ho tloha moo, ha ke eme ka kerekeng ea ka, ke mang ea nyolohang a khaohanya kereke haese Moena Dauch! Ka tloha kopanong ka ea koana nokeng, khefing, ho ja. 'Me eitseha ke tsoa koloing, 'me ke nyoloha seterata, ke mona Moena Dauch o tla a ntšitse letsoho la hae. Lipono tseo ha li hlollehe.

¹⁷¹ Athe monna eo lilemo tsa hae li mashome a robong le motso o le mong, 'me o sala kopano ka 'ngoe morao, e ne e le California. Na u ka phahamisa letsoso la hao, Moena Dauch, ea lutseng mono, batho ba bone na lesole la makhonthe ke eng joale. Mona, o lutse mona hantle, ua bona, lilemo tse mashome a robong le motso o le mong, 'me o sala kopano ka 'ngoe morao. Haeba ke le tabernakeleng, o khanna makholo a limaele letsatsi ka leng, ho nkutloa ke rera therò e nyenyane, a ntano khutla. Molimo, "Leseli le tla chaba nakong ea mantsiboea."

¹⁷² Ka boletse, tsatsi le leng ha ke qoqa le eëna, ka re, "Nka u etsetsang, Moena Dauch?"

¹⁷³ "Kopo e 'ngoe feela, Moena Branham. Mohla A tlang, ke batla ho tsamaea le Eëna."

¹⁷⁴ Ho re, "Se tšoenyehe. Hoo ho tiisitsoe. Ehlide." Joale, monna o kene, a kolobetsoa, oh, a kena a amohela kolobetso ea Moea o Halalelang le sohle, mohlanka ea khabane feela oa Kreste.

¹⁷⁵ Joale ke tlil'o kopa mang le mang, ka tšabo ea ruri, le shebe ka 'nq'ena le rapele.

¹⁷⁶ Joale baruti ba Mo tsebang e le Moprista e Moholo ba ba kae mona, hona joale, ea ka angoang ke maikutlo a mahlomola a rōna? [Phutheho e re, "Amen."—Mong.] Be, haeba esale Eèna maobane, kajeno, le ka ho sa feleng, le Moprista e Moholo eo, O tla sebetsa ka ho tšoana. Feela, Eèna, 'mele oa Hae o mono e...holi'ma Terone ea Molimo. Ba ba kae ba tsebang hoo? ["Amen."] 'Mele oa Jesu o holim'a Terone ea Molimo. Empa O sebelisa 'mele oa rōna ho Iponahatsa, mokana A tšepeisitse ho e etsa. "Mesebetsi eo Ke e entseng le lona le tla e etsa."

Ke tlil'o le kopa ho lula ka khutso, le lebelle, le rapele.

¹⁷⁷ Joale, Ntate oa Leholimo, ke e lekile ka hlompho eo ke e tsebang, ka eona. Joale lentsoe feela le tsoang ho Uena joale, Morena, 'me a Puo e khutsitseng, e tšesane e theohele har'a mokhupi oona le ho re, "Ke 'Na; se tšabeng." Aba sena, Ntate. 'Me ke ineela ho Uena, le Molaetsa o reriloeng bosiung bona, le ka Lentsoe la Hao le tllang ho thasisetsoa. Ha U a tlameha ho e etsa. Empa haeba U tla e etsa, kapa U fela u e etsa, ke hobane U tšepeisitse ho e etsa. Ke U rapela ho aba sena, ka Lebitso la Jesu. Amen.

¹⁷⁸ 'Me mang le mang ka hlompho e shoeletseng, feela ka hlompho e shoeletseng. U phela joang? Joale ke tla u fa Lengolo ha re ntse re tsoella. Haeba Morena a tla etsa, ha ke tsebe. Empa fe-... 'Me esale ke rera ka tsela eo, ua bona, eo ke tlolo ea mofuta o mong. Ena ke tlolo ea mofuta o mong. Eo e ne e le hlohonofatso feela. Ena, ke ntho e 'ngoe feela, e u ntša bophelo ka ho uena.

¹⁷⁹ Joale mona ho eme mofumahali. Ha ke eso 'mone bophelo ba ka. Na re melata? Kea kholoa u buile, nakoana e fetileng, ha ke u tsebe. Molimo o a u tseba. O a ntseba. Na u a tseba re tla lokela ho ea arabella seo re se emetseng mona hona joale, ka Letsatsi la Kahlolo? [Khaitseli o re, "Amen."—Mong.] Ana u elella seo? Ana u a tseba seo re se etsang joale, Molimo o tla re qosa ho se arabella holimo koo? Ke e buile ka morero. Joale, haeba Morena Jesu a ka ntšenolela seo u se etsang, se kelellong ea hao, kapa ntho e kang eo, u tla e lumela na? U tla tlameha ho e lumela, ha ho joalo? ["Amen."]

¹⁸⁰ Ana le tla e lumela ka ntle mono, lona letšoele? [Phutheho e re, "Amen."—Mong.]

¹⁸¹ Joale re eme sa mosali selibeng, le Morena oa rōna, monna le mosali ba teana khetlo la pele. Ua bona? Ke rōna bana, re kopana la... Mono ke Mohalaleli Johanne khaolo ea 4. Joale ha Moea o Halalelang a ka bolela... Haeba mona u emetse motho e mong, haeba u kula, haeba e le mathata a lelapa, haeba e le mathata a lichelete, e ka bang eng, ha ke na le mohopol. Empa Eèna o a khona. Empa A ka senola

mehopolو ea e ka pelōng ea hao. Ke Lentsoe. Nke ke ka khona. Ke motho. U batla u ferekane, 'me ke lona lebaka ke etsang sena, ua a bona.

¹⁸² Ke bo bong ba mathata a hao, ke linerefe. Ke hantle. U bile u jeoa ke daebetise, ke pabo ea hao e 'ngoe. Ke hantle. Maqakabetsi, lintho tse phoso li ngata feela. Na ho joalo? Ha ho le joalo, phahamisa letsoho la hao. Ua bona? U a lumela hobane O tla u folisa? [Khaitseli o re, "Ke etsa joalo."—Mong.] U etsa joalo? Joale, linerefe tsa hao li etsoa ke lilemo tsa hao, ua bona, empa hoo hohle ho tla u lesa joale. 'Me ka tumelo ke lumela re tla ea Kalvari, re pompele Malí.

¹⁸³ Joale, O entse seo hantle. Selibeng O boleetse mosali bothata ba hae. Ba hae e le banna ba bangata. Ba hao e ne e le... Kea kholoa e ne e le linerefe, le lintho tse ling tse peli kapa tse tharo tse phoso ka uena. Ke hantle, ha ho joalo? Ke ntho e tšoanang.

¹⁸⁴ Joale, mohla A fihlang ho Simone, O 'moleletse na e ne e le mang. U a lumela Molimo a ka mpolella lebitso la hao ke lefe? E tla u etsa u lumele ho feta? E tla etsa hoo? Mof. Strong... [Khaitseli o re, "Stout."—Mong.] Stout, u tla e lumela? Ikle u lumela, 'me u... Ho felile. Amen.

¹⁸⁵ Tloo. U a lumela na? Ke boetse ke molata ho uena. Ha ke u tsebe. Molimo o a u tseba. Ana u lumela hobane A ka ntšenolela bothata ba hao ke bofe? 'Me haeba A ka etsa, Morena Molimo a bokoe ke hona. Na ho joalo? [Khaitseli o re, "E, ka nepo."—Mong.] Joale ha u a—ha u a tlameha ho tšoenyeha, ua bona, eo—eo ke Eèna, seo u se phopholetsang. Ho lokile. Le uena u jeoa ke maemo a linerefe, maemo a kelello, 'me u teneha habonolo. 'Me u bile u jeoa ke bothata ba pululana, phoso e teng ka sebete, 'me hape u jeoa ke anemia. Ke hantle. U na le ntho e 'ngoe...

¹⁸⁶ Monna ha a phetse ho hlaha mona. U a lumela Molimo a ka u folisa? [Khaitseli o re, "E, bo."—Mong.] Ho folisa monna oa hao, hape, ho mo phekola? U nahana hobane pabo ea mala e tla fela, 'me o tla itokela? Ke sona se mo tubang. Tloha o ee ho 'meha matsoho, u mo joetse joalo, 'me a tla—a tla mo lesa.

¹⁸⁷ Ke molata ho uena. Morena Jesu o re tseba bobeli ba rōna, ha A etse hoo? U a lumela hobane Molimo a ka u phekola? Ha Morena Jesu a ka ntšenolela ntho e leng... eo u leng... e ka pelōng ea hao, u a lumela hobane U tla u phekola? U fetile mathateng a mang. U na le e—e—e bothata ba pululana ea nyooko, ntho ea pele. 'Me ntho e 'ngoe, e tšoaelitse pululana ea hao ka maemo a alsá, empa ke seo ngaka ea hao e u boleetse sona. Joale, ntho e 'ngoe e teng, ba batla ho etsa oporeishene ea hoo. Ke hantle haholo. Ha se ka nepo na? Na u a lumela hobane A ka e feta ka thoko? U nahana hobane tumelo ea hao e ho Eèna? Joale u a tseba ha se 'na ea etsang hoo. U a lumela na? Ke hantle. Ikle, 'me ho latela kamoo u lumetseng, ho be joalo ho uena.

¹⁸⁸ Re melata, kea kholoa. Morena Molimo o re tseba bobeli ba rōna. U lumela hobane A ka ntšenolela lintho tse tlāng ho u thusa? [Khaitseli o re, “E, kea e tseba.”—Mong.] Uena, u a lumela hobane U tla etsa hoo. [“Ka kholiseho.”] Ke re... “Ka kholiseho,” ke hantle haholo. Ke botle bo. Joale lipabo tsa hao li ngata, maqakabetsi a mangata le lintho, le ho kang ho khohlela, ’me ha u khone ho e hlola. ’Me u hlile u linerefe bo. ’Me—’me hoo, ke hantle.

¹⁸⁹ Ebile, u jere moroalo pelōng ea hao, ’me moroalo oo o sebakeng sa motho e mong, e leng mora oa hao. ’Me o na le e—e bothata, mathata a horeng a lelapa. Eèna le mohatsa’e, ha ba phetse ho pheha khang le ho tsoella...?...’Me u moroalo ka hoo. Ke hantle. Joale lumela ka pelō eohle ea hao, ’me e tla hlaka ho fele ka eona. U lumele joale. Morena a u hlohonolofatse.

¹⁹⁰ U phela joang, monghali? Ke molata ho uena, le—le uena u molata ho ’na. ’Me ho—ho qala ho... Lipono joale, kea bona, eka moaho oohle o qala o khanya, ekare ho ferella ho likolohang. Ua bona? Empa u a lumela Morena Jesu a ka ntšenolela seo u emeng ka sona mono? U a lumela O tla etsa? Ke lumela hoo, le ’na. Ke mpa ke qoqa le uena, ho hokana le moea oa hao, ke e etsa ka morero oo ka nepo. Ua bona, ha ke u tsebe, eka khona ebe ntho e thoko le ’na ho etsa hoo. Ke tla tlameha ho itlosa tseleng ka bottlalo, A tle a e sebetse ka Boeena. U a utloisia?

¹⁹¹ Joale, ntho e le ’ngoe, o tujoa ke khatello e holimo ea maemo a linerefe, ’me maemo ana a linerefe a se a tsoeletse nakoana. Ke hantle. [Moena o re, “Ke hantle.”—Mong.] ’Me maemo ao a linerefe a u tsoselitse khatello e holimo ea mali, hape. ’Me u sa tsoa otloa ke setorouku. [“Ke hantle.”] Ke eona. Ehu, eka kile ua ba moreri, kapa u moreri. [“Ke eèna.”] Joale u moreri; ke u bone sefaleng. Ka hona, eba le tumelo ho Molimo, ’me linerefe tseo li tla u lesa. Bareri bohole ba na le hoo. U tla itokela. Khutlela sefaleng sa hao, ’me u utloe Molimo u tiisetse Lentsoe leo ka botsepehi, Jesu Kreste.

¹⁹² U a lumela bothata ba mokokotlo oa hao bo u lesitse, uena ea lutseng setulong? U a e lumela na? [Khaitseli o re, “E.”—Mong.] Ho lokile, monghali, ako ikele, u ntse u re, “Kea U leboha, Morena.”

¹⁹³ Tloo, mofumahali. U phela joang? U a lumela hobane ke mohlanka oa Hae? [Khaitseli o re, “Ehlile bo.”—Mong.] Ho lokile. U a lumela bothata boo ba bommè, bothata ba bofumahali, bo tla u lesa? [“Amen.”] U etsa hoo? Ikele ke hona, e re, “Kea U leboha, Morena.”

¹⁹⁴ Pabo ea phieo, pabo ea mokokotlo, ka sekotlong. U a lumela Molimo o tla u phekola, ntho eo? U a lumela O tla u phekola? Ho lokile, nka ntho ea hao...?...

¹⁹⁵ Tloo, mofumahali. Ke molata ho uena. Holane ke sa bue letho ho uena, ho hang, u tla lumela Boteng ba Molimo bo

le teng koano ho folisa bakuli? [Khaitseli o re, "Ruri, kea e lumela."—Mong.] U tla etsa hoo? Be, ha u ka etsa, pabo ea mala a hao... Ke se ke u boleletse, ua bona. E—e tlohile. Ke u boleletse, ua bona. ["Ho lebohuo Molimo! Oh, kea U leboha, Jesu."]

¹⁹⁶ U phela joang, monghali? Molimo o ahile pelōng. 'Me pelō ea hao e ipontšitse mona nakoana e fetileng, e mpe. U a lumela O tla e lokisa? Ikle ka tsela ea hao u e lumele. Molimo a u hlohonolofatse. U lumele; O tla e lokisa.

¹⁹⁷ U linerefe, li u tšoarisitse mala, alsa ea peptic. E u tšoenya ka mora lijo. U a lumela ntho eohle e tlohile joale? Tloha u iphumanele ntho e jeoang.

¹⁹⁸ U batla u thatafalloa ho ema, esale mokokotlo o u khathatsa habohloko. [Mokuli o re, "E, monghali."—Mong.] Ha u sa tla u hlopha, haeba tla e lumela. U tla etsa? ["E, monghali."] Ho lokile, ikele, 'me Morena Jesu a u phekole ka botlalo.

¹⁹⁹ U linerefe ke'ng? Ikle, ho re, "Ha ke sa tla ba linerefe hape," 'me ha u sa tla hlola. E-ea u lumele. Ho lokile, monghali.

²⁰⁰ Tloo, mofumahali. Joale, mosali oa Moethopia, le monna e mosoeu, mokana ba kopane ka nepo letsatsing leo, Jesu. Khethollo ea bona e tšoana le eo ea ba Boroa mehleng eo, empa ha re sa na eona. Jesu o ba boleletse bohle e le batho ba Molimo. Phapang e ne e le sieo, ua bona, haeba e ne e le Mojuda kapa Mosamaria.

²⁰¹ Joale, ha Molimo a sa u thus, athritisi eo e tlil'o u holofatsa kapele. Empa u a lumela O tlil'o u thusa, ho u phekola? Mokana mosali a entse, ikele ka tsela ea hao u bolelle ba heno tse kholo tseo Molimo a u etselitseng tsona. Ho lokile.

Joale, e teng ngaka e mothating oa ho kōnōpōlla thipa.

²⁰² Nakoana feela. E ne e se mosali enoa. Joale, nakoana feela, mang la mang ka tšabo joale. Ke—ke Satane, o lekile ho etsa ho hong. Ke ena. Ke hlahala, hlahala, bobeli ba lona. Ke hantle. U na le hlahala, o na le hlahala, 'me liabolosi eo o hlabela e mong mokhosi ho tla thusa. Empa Moea o Halalelang o ntse o hlabo mokhosi, le oona. U tlil'o lumela mang, Eèna? Ho lokile. Ema moalong oo oa hao, mofumahali. Tsoha seterechareng seo. Ema o tsoe nthong eo, 'me u lumele. Ikle, Mo lumele joale. Amen.

²⁰³ Lea lumela na? Tsohle li ka etsoa. Lea lumela na? Ho ka thoeng ka lona ba letšoeleng? [Phutheho le bohle ba sa tsoa fola ba nyakalla—Mong.]

²⁰⁴ Ha re emeng ka maoto a rōna hona joale. Hantle hona joale ke nako ea ho e etsa. Motho e mong le e mong... Molimo a le hlohonolofatse. Mang le mang a eme ka maoto a hae hona joale. Rorisang Molimo. Le phahamise matsoho a lona.

²⁰⁵ Kea U leboha, Morena Jesu! Re U rorisa ka boholo ba Hao, le ka ho folisa ha Hao bakuli. [Phutheho e a nyakalla—Mong.] 

BOPAKI BA HOLIM'A LEOATLE SST64-0307
(A Testimony On The Sea)

Molaetsa wona, ka Moena William Marrion Branham, o rerilwe sethatong ka Senyesemane ka Moqebelo mantsiboea, Hlakubele 7, 1964, mane Soul's Harbor Temple, e Dallas, Texas, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org